

PIETAS  
PONTIFICIA  
SEV

CONIVRATIONIS SV LPHV-  
reæ contra Iacobum Magnæ Britanniae Rē-  
gem, Henricum Principem, omnesq; Regni  
Ordines flagitiosissimè initæ, & solâ virgulâ Di-  
uinâ foelicissimè patefactæ & dissipatæ  
Nonis Nouembris 1605. Narra-  
tio brevis Poetica.

Ab Authore recognita, & varijs mendis, quæ  
*partim ipsius festinatione & distrahentibus ne-  
gotijs, partim operarum inscitia & incuria  
in primam Editionem irrepse-  
rant, repurgata.*

Accessit VENATIO CATHOLICA, siue  
secunda Historiæ pars, quæ a compre-  
henso Falso, *Proditorum* res gestas, vsq;  
ad meritissimum exitum succin-  
ctè complectitur.

*Pro capto Lectoris habent sua fata Libelli.*

---

LONDINI  
Ex Officina SAMVELIS MACHAM.  
1609.

*Prou. 21. ver. 35.*

Nulla est sapientia, nullaq; intelligentia, &  
nullum consilium ex aduerso Iehouæ.

*Psal. 121. ver. 4.*

Ecce neque dormit, neq; dormitat custos  
Israelis.

*Psal. 9. ver. 17.*

Notum se fecit Iehoua, iudicio quod exer-  
cuit, quum suo ipsius facto illaqueatus  
est improbus. *Higgaion Selah.*

---

Nomina Præcipuorum Proditorū, qui pub-  
lico iudicio condemnati sunt in Foro iudiciario  
*Westmonasteriensi: vigesimo septimo Ian.*  
*Anno. M. DC. VI.*

*Euerardus Digbeus eques.*

*Robertus Winterus.*

*Thomas Winterus.*

*Guido Fankius.*

*Ioannes Grantius.*

*Ambrosius Rook-  
wodium.*

*Robertus Keyes.*

*Thomas Bates.*

*Catsbeius & Perscus in Pugna Hollachensi  
perierunt.*





A D S E R E N I S S I M V M  
E T I L L V S T R I S S I M V M  
H E N R I C V M F R E D E R I C V M  
W A L L I A E P R I N C I P E M .  
( \* \* )


*S*anguine descriptas leges sanxisse Draconem  
Fama refert : certè Romanam religionem  
Sanguine fundavit mitratus Presbyter olim  
Induperatoris : fundatam sanguine Regum  
Magnatumq; solet, sartam tectamq; tueri :  
Namq; throno multos, veluti de ponte, superbus  
Deiecit, pedibus movit diademata, & ipsos  
(Vt pecudes) pronos calcavit Cerberus alter.  
Hiccine pastor erit, Christi<sup>q</sup>, vicarius? absit.  
Filius exitij est ; lupus est insignia gestans  
Pastoris; magnus dubiò est procul Antichristus,  
Historia ista sequens (cuius pars ipse fuisti)  
Pontificisq; dolos, & saevas detegit iras.  
Multos se Marios in Cesare Sylla vidè  
Dixit; at hic multos Catelinas atque Cethegos,  
Hic multas clades Parisinas cernere promptum est.  
Regibus hac novisse salus, Babylonis ut hostes,  
Et meriti ultores fiant. Deus optimus istum  
Eximium servet tibi (pri nceps inclyte) honorem,

*Romulidum ut celsas turres, atque amula Regum  
Atria marmoreis hinc illinc fulta columnis,  
Magnificas fratrum cellas, & claustra Sororum,  
Desidia & luxus, fedaq; libidinis antra,  
Sacro olim bello veritas, & nobile scortum  
Sanguine Christicolum madefactum, murice & auro  
Vesteq; purpurea fulgens, turbare Cathedra,  
Et claro posses circumducere triumpho.  
Hæc vouisse datum est nobis: moderator Olympi  
Ista sequunturo præstabit singula seculo.*

Vt principis est in omni virtute populo præire: ita  
in religione maximè quæ princeps & caput virtutum.

*Tua Celsitudin. deuotissimus.*

Fr. H.







*A. MELVINVS AD AMICVM  
suum F. H. Cmiurationem nitrosam car-  
mine describentem.*

**C**Vraſti pius ante meum, morboq; leuaſti,  
Corpus Apollineæ Pæonia artis ope:  
Nunc animum mulcens numeris & carmine dulci,  
Paſcis Apollineæ Mæonia artis ope.  
Quum paria haud poſſim, meritas nec ſoluere grates,  
Debebo meritis tempus in omne tuis:  
Quin te Phœbigenam Phœbi dignabor honore,  
Seu cures medius, ſiue Poeta canas.

*Idem ad Eundem.*

**T**Herſiten cecinit diuino carmine Homerus,  
Tu quoq; diuino carmine monſtra canis:  
Quanto at Therſiten vincunt ſcelere hæc tua monſtra,  
Tanto & vatem anteis carmine Mæonium:  
Amplius hoc illum vincis, nec vinceris vlli,  
Quos tollis, ponis carmine perpetuo.





*In Coniurationis Sulphureæ Historiam, ad  
Lectorem Prefatio.*



A fuit Coniurationis Sulphureæ, in potentissimū regem' magnæ Britanniaꝝ Iacobum, totamq; Remp. Britannicam nuperrimè intentatæ, & solo brachio Diuino dissipatæ, atrocitas (candide Lector:) vt dignissima sit, quæ omnium gentium linguis, omne genus literis celebretur, & posteritati transmittatur. Siue enim Pontificios equi huius Troiani Architectos & Machinatores spectemus, siue proditiōis ipsius horrendæ & inauditæ magnitudinem perpendamus, siue deniq; ad Deum Opt. Max. Seruatorem & liberatorem nostrum, oculos attollamus, multas easq; iustissimas causas reperiemus, ad memoriam eius (quantum possimus, quantumq; valeamus) omni æternitati consecrandam. Pontificij propter insignem & singularem pietatem, apud omnes ferè populos iam aliquot secula, claruerunt. Siue istorum libros voluas, siue sermones audias, videbis eos nihil præter pietatem, religionem, sanctimoniam crepare, & personare. Esse scilicet ipsos anctæ matris Ecclesiæ Catholicæ filios primogenitos, & vnicos: sanctissimi Patris Papæ, Christi in  
terris



terris vicarij, obsequentiſſimos ſubditos : penes ſe eſſe ſancta Dei oracula, ſacras ceremonias, ſanctas martyrum reliquias, ſacros ordines, ſancta fratrum & fratriarum collegia, & cœnobîa, ſanctas & Auguſtas templorum Diuino cultui dicatorum moles, antiquitate, ſplendore, anathematum varietate, & elegantia vbîq; percelebres ! ſacra & ſacroſancta omnia. Splendida certè & magnifica verba; verum rectè ad hæc quiſpiam. Verba quid audio, facta cum videam ? Orationem Iacobi facilè agnoſco, ſed Eſau manus horridas & piloſas, ſub pietatis veſte, bonos iſtos viros occultare, ſi penitiùs inſpiciantur, & contrectentur, illud eſt, quod arctè teneo, vehementerq; contendo. Antiqui Romani victoriæ ad caſtra ſua ſemel delapſæ, dicuntur alas præciſiſſe, ne vnquam poſteà auolaret. Romanifſæ noui religionem olim per Romam iter facientem, videri volunt ita humanitatis excepiſſe, vt eam perpetuò fecerint ſuâ : ipſamq; quaſi Chirographo obſtrinxerint, nè à ſe vnquam in alias terras, & Orbis plagas decederet. Verum longè aliter res ſe habet. Nouitij iſti, à proauis (quorum reuerà in primis Eccleſiæ incunabilis fides illuſtris admodum fuit) degeneres ità illam malè tractârunt, & indigniſſimis modis vexârunt, vt iam pridem coacta ſit, collectis ſarcinis, fuga ſibi de ſalute conſulere, aliâſq; ſedes & comorandi Domicilia comparare. Ab eo tempore ciuitas ſancta facta eſt meretrix. Caſtitem citiùs in lupanari, quàm his diebus in vrbe Roma pietatem inuenias.

*Vivere qui ſancti cupitis diſcedite Româ,  
Omnia cum ſit licentia, non licet eſſe piũ.*

Sicut

Sicut autem multæ sunt impudicæ mulieres, quæ licet multotiès scortatæ sint, & lectum nuptiale inquinârint, matronæ tamen honestissimæ dici & haberi volunt, maritîsq; inagis etiam quàm castæ fæminę adblandiuntur: sic Romana Synagoga, licet scortationibus & idololatrijs putidissimis omnia impleuerit, Christumq; re & veritate penitiis deseruerit, pro Ecclesia tamen eaq; Catholica, & vnica Christi sponsa, seipsam venditat, eumq; varijs amoris lenocinijs & blandimentis, speciosis ceremonijs, & pomposis ritibus delinire conatur. Duæ res sunt, quibus factio omnis & hæresis religiosa, se cognoscendâ, num à Deo sit necne, prodit, & exponit: Doctrinæ integritas, factorû sinceritas: Ad doctrinam quod attinet, habuit semper Papa Romanus, & habebit quamdiù offas illas opimas sacerdotia ampla, Episcopatus, Cardinalatus in suos parasitos conferendos habuerit, patronos, & oratores satis eloquentes, qui malam causam optimè agent, qui cariosam Papismi statuam, concinnè dealbabunt, & deaurabunt efficiëntq; canina sua facundia, sicut olim Poeta cecinit,

*Candida de nigris & de candentibus atra.*

Quis nescit omnes principes & Dynastas, magnam semper Sycophantarum & palporum turbam aluisse, qui si Dominus ipsorû coruû albû pronuntiaret, præsto essent, qui eum non modo albissimû esse affirmarent, sed si opus esset multis iuramentis confirmarent. Non est itaq; mirandum Papam Romanum cum princeps terrenus sit, imò (si ipsius adulatoribus credere velimus) Deus terrestris, omnibus & imperatoribus longè sublimior) pugiles suos

suos emiserit, Pighium, Hofium, Saunderum, Stapletonum, Fuerdentium, Bellarminum, Alanum, Personum, innumeros eius farinae gregarios milites, qui pro ipsius Primatu, & Principatu, & Ecclesiae Romanae dignitate strenuè decertarent, & desudarent. Mercede siquidem ducti & conducti sunt, munifico, & liberali Domino inseruierunt, qui perfuncta militia ad summos ipsos honores, & dignitates euexit, amplissimisq; diuitijs cumulauit. Quis non aureum eloquentiae flumen pro tot aureis, & annuis redditibus effunderet?

*Auri sacra fames quid non mortalia cogis Pectora?*

Ego verò sophistas istos, & Romanae Curiae rabulas, qui pro offa & cibo, ore nigerrimo, conscientia callo obducta, quiduis clamitant, Quælibet in quosuis conuitia dicere suos, quorum (fateor) scripta, incautos, & imperitos facile fallunt, & illaqueant, missos faciam. Hos siquidem nunquam conuiceris, etiamsi euiceris. Nimiùm altercando veritas amittitur. Veniam ad secundum (vt ita loquar) κριτήριον, quod vt miminè fallax, ita cuius etiam plebeio & imperito obuium est, & familiare. Aurea est, omniq; exceptione maior Seruatoris nostri regula, omnem arborem ex fructibus suis, qualis sit, explorandam sese exhibere. Papisinus, quales orbi terrarum fructus produxerit, breuiter (si placet) videamus. Ego quatuor tantum Romanistarum virtutes Cardinales, seu totidem fructuum genera proponam, ex quibus, reliqua licet estimare: Auaritiam, superbiam, impuritatem, crudelitatem. Auaritiam Romanae Curiae inexplabilem, omnes Europae Nationes, quæ grauissimum Antichristi

christi iugum subierunt, & pertulerunt, expertæ sunt; quâ miserrimè expilatæ, & ad ossa usq; denu-  
data sunt. Inter reliquas Anglia nostra, cuius vnus  
vestigialia Romam quotannis exportata, (vt refert  
doctissimus Lambertus, qui Cantium Libello ele-  
gantissimo descripsit) ærarij regij annuos redditus  
facile æquabant. Quidam Angliæ Rex, fortè in  
sermone quodam Angliam, puteum inexhaustum  
appellauit: Hinc ansam statim arripuit Papa, no-  
uis artibus (innumeras, & mirabiles excogitauit,  
omnem humani ingenij aciem superantes, & Dia-  
bolicam planè astutiam sapientes) ingentes pecu-  
niæ summas extorquendi, & corradendi, ita vt pu-  
teum istum penè exhauserit, aridumq; reliquerit,  
totamq; Insulam ad extremam ferè egestatem re-  
degerit. Constat certè sacrificulos, & fraterculos  
pontificios, vbicunq; pedem posuerint, religionis  
& deuotionis obtentu, multa mortalium millia, seu  
Myriades potius nummis emunxisse, patrimonijs &  
latifundijs exuisse, ita vt mundi, cuius contempto-  
res dici, & haberi volunt, bonam partem occupa-  
rint, sibiq; manciparint, eiúsq; possessores & Do-  
mini euaserint. Sic vt hodierno die, summus isto-  
rum sacerdos, absq; rubore vllò (quod secundo in  
loco attingendum à nobis est) voces illas Prin-  
cipis Aeris de regnis terræ vsurpet, Omnia ista mea  
sunt, & quibuscunq; volo, illa trado. Neque mirum  
hoc videri debet, cum se Soli, Imperatorem Lunæ  
compararet; se accurata, & mathematica proportio-  
ne & calculo, septuagies septies Imperatoria, & re-  
gia potestate ampliorem, & augustiorem venditet:  
qui potentissimos reges, & Dynastas beneficij &  
fauoris

fauoris loco admittit ad beatos pedes osculandos, Qui Imperatorem mandat sibi ad frenum præstolari, Gallorum Regem ad stapedem. Quis nescit Papam Franciscum Dandalum Venetiarum Ducem, Regem Cretæ & Cypri, proiecisse sub mensam suam, vt ossa cum canibus roderet?

Cælestinum Papam Imperatori Henrico sexto, Diadema Romæ non manu, sed pede imposuisse, & eodem rursum pede deiecisse? Alexandrum tertium Papam, abiectissimum in modum Frederici Barbarossæ Imperatoris ceruices pedibus suis conculcasse? Quanquam quid de Papa ipso loquor, cum ipsius serui & satellites Cardinales & Episcopi se pro Regum socijs & paribus, imò Dominis gerant, Thomas Beckettus Archiepiscopus Cantuariensis (vt refert Mathæus Parisiensis) Henricum secundum Angliæ Regem, bis eodem die in Normandia, sibi in equum ascendenti ad ferrum pensile ministrare passus est. Hic autem, cum in eundem Regem multa seditiosè & perfidè fecisset, pro tot meritis & talibus ausis in Martyrum Catalogum à Papa relatus est.

Romanenses quàm castè se gerant (etiam illi qui mundana cōmercia pietatis zelo deuitant, Monachorū & Monacharū cellulis & claustris, quò liberius Deo toti inserviant, sese includunt, qui cælibatum & castitatē profitentur, & iurârunt) notius iam est orbi Terrarū, quàm vt subterraneis illis antris & laqueatis specub<sup>9</sup> occultari possit: si nefarias istorū libidines, scortationes, adulteria, incestus, aliâq; non nominandas turpitudines perceraserem, librum iustum implerem, non præfatiunculam scriberem.

Multa



Multa esse Romæ, sub oculis ipsius Pontificis, publicarum meretricū millia omnes sciunt, quæ annuatim tributi nomine soluunt beatissimo Patri, ad triginta millia Ducatorum. Neq; istæ vt olim & alibi extra ciuitatem in Suburbij & obscuris angulis habitant, sed intrâ vrbis mænia in magnificis ædibus, & palatijs, quæ etiam vt queritur Gasper Contarenus (vir dignus meliori tempore & Domino,) cum reliquis delectis Cardinalibus, per forum fronte aperta ambulant, & mulis vehuntur nobilium iuuenum, & Cardinalium corona stipatæ & comicatæ. Mitto Petri Aloisij, Pauli tertij filij in Cosmum Cherium, Episcopum Fanensem facinus horribile & execrandum. Mitto Ioannis Casæ Archiepiscopi Bencuentani spurcissima scripta, quibus non puduit hominem Clericum & Episcopum sanctiq; Papæ apud Venetos legatum, id scelus, cuius nomen non modo inter Christianos, sed etiam Paganos honestiores inauditum, re ipsa abominanda, turpissimis verbis & putidissima facundia commendare. Videamus iam vltimo in loco, quàm se Romanus Papa, qui successor Petri, sacerdotum Princeps celebratur, gerat clementèr, mansuetè, Apostolicè. Christus suos Apostolos, & Discipulos emisit ad prædicandum, baptizandum & docendum omnes gentes: Papa suos emissarios Iesuitas & sacrificulos ablegat, (sicut olim Palestini suos milites) integris turmis, & phalangibus, ad dissipanda, evertenda & excindenda omnia illa regna, vi, ferro, flammis, nefarijs seditionibus & coniurationibus etiam subditorum in Dominos, & Reges suos legitimos, qui Laterani illius Iouis Imperio parere nollunt

Paulum 3.  
Papam in  
Catalogo suo  
habuisse dicitur meretricum publicarum nomina  
45000. quæ  
soluebant tributum singulis mensibus  
quod ad  
30000. aut  
40000. ducatos surgit.  
Concilium delectorum Cardinalium.  
Sixtus 4.  
huius Patronus lupanaria vtriusque sexus,  
in vrbe Roma extruxit  
egregium populi sanctitatis momentum.  
Lib. Ital.  
rythmis conscripse.

lunt. Quot sancti isti patres (Iesuitas & seculares intelligo) in omnibus ferè nationibus doctissimos & piissimos viros, tantumquod verà & orthodoxā fidem abiurare nollenr, exquisitissimis tormentis à Turcis, & Paganis mutuatis, dilaniarunt? quot millia fratrum nostrorum in Anglia hac nostra, Gallia, Germania, Hispania, Italia, omnes fidei Christi articulos amplexantia, & profitentia, ardentibus flammis consumpserunt, & sacrificarunt? Nemo hodiè est (si Pontificem & Turcam excipias) qui religionem suam ferro & flamma tueri, & propagare conatur. Religio siquidem persuadetur, non cogitur. In eo tamen Pontifex Romanus Turcam superat, quod hic Christianis in suis ditionibus (modo tributum illi soluant) habitare, mercaturam exercere, diuinum cultum celebrare permittit: Ille quos

*Ioannes Anglie Rex pa-  
pali sententia  
regno abiudi-  
catus &  
Henricus Lu-  
cemburg. ve-  
neno in ipsa  
Eucharistia  
à Monacho  
exhibito, in-  
bente (ut ai-  
unt) Papa  
sublati sunt.  
Gregorius 7.  
Henricum  
Imp. in tem-  
plo precantē  
interficere  
voluit.*

solidis rationibus, & scripturæ testimonijs, in suas partes perducere nequit, carceribus, cippo, gladio, igne, fortissimis scilicet argumentis, edomat & per-  
uincit. Ipsos homines cum suis argumentationi-  
bus, ne triplici Coronæ suæ molestiam faceffant, è  
medio tollit, & abolet? expedita certè via ad con-  
trouersias omnes dirimendas & finiendas. Verum  
vt multa alia dirissimæ feritatis exempla prætermi-  
tam, Carnificina illa Parisiensis, & proditio ista sul-  
phurea, veluti Columnæ duæ ex ære erectæ, teterri-  
mam istorum crudelitatem, quā omnis barbaria su-  
perata est, omni posteritati proclamabunt. Liceret  
hic Corollarij loco addere Iesuitarum impudenti-  
am meretriciam, atheam, & planè diabolicam, quā  
sacræ Paginæ, Dei ipsius oraculo, veritatis normæ  
infallibili, inò ipsissimæ veritati vium offerunt, ipsius  
maiestatem

maiestatem violent, & vt nasum cereum aut nautæ  
 subligaculum, huc illuc pro libitu & arbitrio suo  
 detorquent. Edidit quidam nuperrimè, & vt au-  
 dio, cum superiorum Iesuitarum licentia & appro-  
 batione, huius farinae humuncio, \* libellum spurcis-  
 simum, profitente hoc ipsum ipso titulo, quo cum  
 sacris scripturis, impurè, impiè, & nequiter ludit, &  
 in ipsas lurco turpissimus, cruce omni & supplicio  
 dignissimus, multas horrendas & non nominandas  
 blasphemias euomit, & eructauit. Detrahenda est  
 ergo personatis istis hypocritis, pietatis larua, quæ  
 vitia & impuritates tantas concinnè tegere, & im-  
 peritæ & incautæ plebeculæ imponere, & quouis  
 circumducere solent; vt detracta pelle ouina, lupi-  
 na istorum feritas & voracitas, leoninus fastus, hir-  
 cina lasciuiæ omnibus innotescant. Videtis coniu-  
 rationis istius authores & fabricatores, quales &  
 quàm boni viri sint, de re ipsa, & sceleris natura, &  
 conditione pauca mecum (si placet) perpendite.  
 Coniurati concilium inierunt non de Rege tantum  
 tollendo, sed Reginam clarissimam & immeritam,  
 Henricum ingentis spei Principem, Carolum Du-  
 cem, infantem innocentissimum, omnem Nobilita-  
 tis florem, Senatores regios, Magnates Regni, Ec-  
 clesiæ Antistites, Iustitiæ Patres, prudentissimos vi-  
 ros Prouinciarum legatos, Capitulum ipsum The-  
 midis, cum omnibus legum monumentis, & instru-  
 mentis, Regnum deniq; ipsum, vno momento, &  
 oculi iactu, exitio destinârunt; Imò suos ipsorum  
 socios Catholicos permultos, qui conuentui illi, ex  
 officio adesse tenebantur, parandos non putarunt,  
 sed communi forti, & incendio adiudicârunt. Sed

*Clemens 6.  
 Imp. Ludovicus  
 cum Bauaria  
 veneno su-  
 stulit. Parent  
 proditor à  
 Papa remis-  
 sus ad regi-  
 nam Elizab-  
 etham è  
 medio tollen-  
 dam?  
 Iacobita ille  
 qui Henricus  
 3. Gallie Re-  
 gem interfe-  
 cit.  
 \* Primitanus.*

quid in istos Rex deliquit? qui cum perdere istos, & regno suo excindere facile potuisset, leges tamen contra illos latas saluberrimas filere passus est, & omnibus hætenus supplicijs de ijs sumendis abstinuit; Qui legum aciem nonnihil obtundere & emollire studiosè moliebatur, qui annuam pecuniæ mulctam, quam soluebant antea, non erogauit.

Quanam ista sunt hominum monstra & portenta, quos nèq; Maiestas regia, sexus fœminicus, ætas tenera & puerilis, concessus prudentissimorum & grauissimorum virorum, ornatissimus senatus habendi locus, amicorum periculum & iactura quicquam mouerunt? Quos nèq; pudet quicquam, nèq; timent quenquam, nèq; legem putant tenere se ullam, diuinam, humanam? Qui regem cùmq; bene de se meritum, quanquam quid regem dico, qui omnem sobolem regiam, procures omnes & senatores, regnum deniq; nobilissimum simul & semel obruere, & vno quasi rogo contumulare conati sunt. O frontes plusquam ferreas! corda adamantina! O manus audacissimas & sceleratissimas, quæ illud facinus effosis sub Capitolium cuniculis, tentârunt & aggressæ sunt, ad cuius memoriam & recordationem nudam, homines alioquin flagitiosissimi contremescunt. Verum adhuc sceleris istius fastigium, & apicem non attigimus. Quod superest & sequitur, omnes omnium impietates in se completitur. Audite igitur Pontificij, & si quis sit reliquus in vobis, non dico religionis, sed humanitatis sensus, detestamini, aut erubescite saltem facinus inauditum, horrendum, & ab omnibus Christianis hominibus summè execrandum. Coniurati sumpto



to altaris Sacramento, et sancti seruatoris corpore, haulto illius sanguine, mentes suas ad seuitiam & crudelitatem, manus ad sanguinẽ regis sui & magnatum, multorũq; innocentium hominum effundendum, sese totos ad impiam taciturnitatem, & in scelere horrendo constantiam obligarunt. O inauditum & omnibus diris exercrandum flagitium, augustissimo & sacratissimo noui fœderis sacramento & mysterio perditissimos sicarios nequiter abuti, ad se mutuò in sceleratissima fœderis & coniurationis societate aduersus vnctum Dei & Ecclesiam constringendos ! O Sanctos Patres Iesuitas, dignosq; qui in sanctorum album referantur, Garnettum, Gerardum, Grenwellum, qui tam immanem prodicionem siluerunt, imò qui concilio & precibus præscriptis iuuerunt, qui deniq; sacram coenã coniuratis, suis manibus præbuerunt, qui sanguinem Domini, nefarijs proditoribus, cædem & sanguinem optimorum & grauissimorum ciuium sitientibus & anhelantibus bibendum exhibuerunt !

Verendum sanè est, ne cum seri nepotes historiam hanc olim perlegerint, me fabulam meram & figmentum concinnasse, non rem gestam narrauisse opinentur. Verum ego istos missos faciam, quorum impietati nulla par oratio inueniri potest, & ad Deum optimum maximum vigilem illum, & custodem Israelis, me conuertam, cuius vnus & solius beneficio, & gratia, ingens hoc periculum & discrimen euasimus. Solent autem mortales ingrati & *φιλᾶντοι* nimis Dei opt. max. gloriã extenuare, & communicare cum multis. Et quidem in Concilijs impiorum hominum & seditiosorum dissipandis,



dis, regum virtus, Senatorum prudentia & sagacitas, satellitum et stipatorum fides, magistratuum inferiorum sedulitas, & vigilantia multum possunt. Huius vero coniurationis patefaciendæ & euertendæ laus tota, quantacumq; est, (quæ sanè maxima est) Dei vnus benignitati & extensæ Dextræ ascribenda est. Ea siquidem fuit ita excogitata astutè, tam cautè & subdolè inita, tam callidè occultata ad ipsissimum ferè temporis designati articulum, tantis Sacramentis, & iuramentis velut chalybeis catenis, deuincta & constricta, vt nulla vis aut prudentia humana, eam disrumpere aut illudere potuisset. Solus Deus inmanitatem sceleris execratus, impiorum & perditorum hominum conatus fregit; solus casses istos & tendicula tam astutè celata ostendit, & patefecit; solus nos licèt immeritos, & tanta gratia indignos, pro infinita sua bonitate, imminente, instante, & ineuitabili exitio, momento liberauit, & vindicauit. Quis Pontificium illum ignotum sceleris consortem occæcavit, ità, vt ad D. Monteglium literas coniurationis obscuris verbis indices mitteret? Quis D. Monteglij, Pontificijs partibus, eo tempore nonnihil fauentis, animum perculit & flexit, vt cum summo Secretario literas illas communicaret? Quis clarissimi Cecilij mentē mouit vt non penitus reijceret illa indicia, vt leſi cerebri, & otiosi deliramenta, sed vt regi indicaret, ipsiq; legendam epistolam exhiberet? Quis regis animum illuminauit, vt (tanquam Oedipus alter) ænigmata illa perplexa solueret primo aspectu? Quis ei in mentem indidit, vt de puluere tormentario, de perlustrandis Capitolijs ædibus, & vicinis locis

locis cogitaret, vt re infecta, redeuntibus ministris secundo ad accuratiùs, & penitiùs exploranda omnia remitteret? Quis populum omnem ipsòsq; adeò Catholicos, ne se coniuratis per varias prouincias vagantibus falsissimòsq; rumores vbìq; spargentibus, & ad arma vocantibus, adiungerent, cohibuit? Deus vnus & solus hæc pro nobis omnia effecit. Qui hoc non videt, cæcus, qui non intelligit, stupidus, qui non ingenuè confitetur, & proclamat, bipedum omnium ingratiſſimus est.

Magna fuit illa Iudæorum ab Hamanis Agagitæ implacabili odio, & crudeli ad cædem & carnificinam designatione, liberatio: sed quæ cum ista nullo modo adæquari, aut comparari potest. Habuerunt Iudæi ea tempeſtate, in Aula Imperatoria patronos magna authoritate & gratia apud regem, Hesteram reginam contribulè suam, & Mordocaium, aliòsq; (vt verisimile) quam plurimos, qui de auerruncando isto malo ab Hamane intentato, seriò cogitarent, & contrà totis viribus niterentur. Machinatio ista ita fuit Diabolico astu offuscata, & celata, vt nemo mortalis (ſi coniuratos excipias) de tam horrendo & immani flagitio, nè ſomniaret quidẽ. Illis spatium datum est, & deliberandi tempus, quo ſe vel ad defenſionem pararent, aut fuga in alias regiones periculo eriperent. Nobis pij iſti & religioſi Catholici, ne tantillũ quidem temporis, nè horulam vnã, ne momentũ conceſſerunt, ad Deum inuocandum, & noſmet morti comparandos. O pietatem ſingularem! & dignã, quæ à Chriſtiano orbe aduertatur. Multa animarum innocuarum millia, nil tale cogitantia (nullo conceſſo ad pænitentiam

spatiolo) sine vlla misericordia, subito ad orcum  
(lic enim de hæreticis iudicant) quasi fulmine pef-  
sum dedisse, aut potius, in aerem ad principē aeris,  
turbine sulphureo, emisisse, & ciaculasse animus  
fuerat. ô numquam satis laudandam & celebran-  
dam diuinam prouidentia & bonitatem! quæ ho-  
minum miserta est, quorum homines fratres & con-  
sanguinei, nulla miseratione commoti sunt: quæ  
attentiùs & cautiùs vigilauit ad salutem nostram,  
quàm perditissimi & vaserrii sicarii, ad perniciem:  
quæ dolum malum humano ingenio maiorem, suo  
ipsius genio & nutu patefecit, evertit, dissipauit:  
Quæ artifices ipsos indices fecit sceleris, & sui ip-  
sorum carnifices. Non possum certè satis laudare  
grauissimum ordinum decretum, quosancita est an-  
nua & publica liberationis nostræ maximæ recor-  
datio, diuinæ benignitatis cōmemoratio & ce-  
lebratio. Optarem etiam, vt Columna marmorea,  
iuxta capitolium extructa & erecta, literis aureis  
maiusculis, tum sceleris immanitatem, tum libera-  
tionem nostram & gratitudinem, successuræ poste-  
ritati enuntiaret. Conuenientiss. sanè esset histori-  
am istam omnibus linguis descriptam extare, vt  
singulæ nationes Iesuitarum, & pontificiorum de-  
testandam hypocrisin, pietatis pallio inuolutam,  
tandem pernoscant & diuitent: horrendam scele-  
ris huius atrocitatem, & immanitatem admirantes  
execrentur: deniq; Deum opt. max. (cuius erga  
suos in æternum fides, benignitas, misericordia)  
nobiscum vnâ omni laude & honore prædicent &  
celebrent. Me quod attinet, cum multos sciam so-  
luta oratione coniurationem istam descripsisse, ver-  
sibus

fibus eam complexus sum, partim vt Poema istud velut Hymnum gratulatorium Deo optimo maximo pro liberata tam horrendo & ineuitabili excidio dulcissima patria, consecrarẽ, partim vt in Poetice, cuius ab ineunte ætate studio impensẽ delectatus fui, succisuis horis meipsum exercerem, partim, vt viris eruditis (quorum ætas hæc feracissima) occasionem præberem, limatiùs ista et elegantiùs pertractandi. Ignoscent autem spero, mihi homini Medico in alijs studijs et laboribus exercitato, æquirerum æstimatores, si Poetæ munus omni ex parte non expleam.

*In Magnis & voluisse sat est.*

Editio prima Raphelengio destinata, et missa, ipso desertore et transfuga facto in partes pontificias, incidit in sordidum quendã et turpi-lucricupidum Typographum, qui eam miserrimè habuit, et veluti pannis obsitam et laceram, ad emendicandam stipem emisit. Ego, vt commodiùs aliquantò et honestiùs vestita, in publicum posthac prodiret, procuravi. Deus faxit vt elucubratuuncula hæc nostra ad suam gloriam, et Ecclesiæ aliquam saltem vtilitatem faciat; et aperiat tandèm hominum inficiorum, et non malorum oculos, quo Iesuitarum et sacrificulorum fraudes et imposturas videant tandem et perspiciant, vt relictis Antichristi castris, se ad Militiam Euangelicam et Christi vexillum adiungant.

*Ad Franciscum Heringum*  
amicissimum & Medicum optimum

DE PIETATE PONTIFICIA,  
ET

VENATIONE CATHOLICA.

*Qualis Pontificum pietas, venatio qualis,  
A te perbellè pingitur, & graphicè.*

Ad eundem.

*Pontificum hac pietas? venatio Catholicorum?  
Falleris: impietas hac est, cadēque cruenta.*

Εἰς τὸν ἄλλον περὶ τὴν μὴκα-  
ροῦράν Ὀμηρικῶς.

Μῆνιν αἰεὶ δεις ᾗδ' δολομενέῳ Ραμνλιδάων  
Οὐλομένην, ἡ μωρία Ἀγῆστοι ἀλγὶ ἰσχυρῇ,  
Πολλὰς θυσίας ψυχὰς δ' αἰεὶ σφάλλει  
Ἐπεροπῶν, εἰ σφάλλεται ἀμύχανον αἶψα  
Μυδομένην, καὶ ᾗδ' κακὰ παρτίσιν δόλοισι  
Ραπτόντων, παντὶ τ' ἀπαλήματι δημοφροσύνης  
Προσόντων, ταῖς αἰπύς τέχαις Βασιλῆος.  
Τούτοις πάντας τοῖς ἰσχυροῖς ἰσχυρῶς, πύχρως,  
Ἀμφὶ πύλαις Λοιδιμαῖς· οὐδ' ἐπὶ πύλαις· βελῶ.

ΠΕΡ



ΠΕΡΙ ΤΩΝ ΒΙΒΛΩΝ.

α. β. α. β.  
 Τίς βίβλος; Εὐσεβίου. ἄλλη δ' ἐστὶν ἡ ἀρχα.  
 α. β. α. β.  
 Ποιητὴς; Ἰησοῦς. ἔνομα δ' ἐστὶν; Ἑρατορίου.  
 α. β. α. β.  
 Ὡς ὅπως γέγραφε; περὶ τοῦ πόντου; περὶ τῆς ἰστορίας.  
 α. β. α.  
 Τοῦτο π; ἀμφοτέρωσιν ἱμαλλοὶ χροσὶ χ' ἔστιν. π;  
 β. α.  
 Τίτῳ κόνι ἀνταλλάσσεται. τῷ πόντῳ τῷ δ' ἰστορίῳ;  
 β.  
 Οὐκ ἔστιν ἄλλος λόγος ἡμῶν, ἀλλ' ἰστορίας.  
 α.  
 Εἴπῃς ὅτι μοι σὺ, καὶ ὅτι τὸν αὐτὸν λόγον μελετήσας;  
 β. α. β.  
 Τὸν καὶ πάντων. Φιλοσοφία ἀπὸς α. Αἰσθησιμότητα.  
 α.  
 Τὴν Ρώμην, καὶ τὴν Ἀγγλίαν αἰσθησιμότητα ἐστὶν ἡμῶν;  
 β. α.  
 Πῦρ πῦρ αἰσθησιμότητας. αὐτὸς ὁ Χρῆστος ὁ σωτήρ.

G. H.

Ad Papam.

*Quid fremis Herculeo quasi pressus (Papa) furore?*  
*Heringi grauitèr te quia Musa premit?*

Devenat. Cath.

*Venari quid Papa solet? nil veriùs unquam:*  
*Emittit catulos, quos alit, atque suos.*

H. P.

Ad Authorem.

*Tu male gesta, canis benè: sed meliora canendo*  
*Non facis, & quàm sint, deteriora nequis.*

Ad

## Ad beneuolum Lectorem.

*Quales sint, fuerint quales, qualésque futuri  
Sint, vno discas crimine, Catholici.*

*Heringus meritis vcrisqué coloribus ornat  
Hoc vnum: verbis omnia disce tribus.*

*Technas, uerba, scelus, Stygias, blasphemá, rebelle,  
Cudunt, fundit, agunt, pectora, lingua, manus.*

ΕΙ' Σ ΤΟ' ΤΣ ΠΡΟ ΔΟ' Τ Α Σ.

Τίτλε μὲν αἱ καὶ πάλαι καὶ ὑμῶν θρησκείαν ἔδραψι:

Νῦν δ' ἄρ' οἰκοδομεῖ, τῶν αἰγίων τε σφάρα.

Τὴν δ' αἰνεῖ θύρα, καὶ τοῦ θηρυταῖς ἀεζομεῖ

Ἐν τοῖς ἐσχάτοις δυσίβιν αἰθίς.

Ἐς' ἐν δυσίβιν (ωρεσθόται) ποῖα; ποῖα ἢ θύρα;

Αἱ μὲν κακοδικῶς ἐχὲ διαβολικαί;

## Ad Momum.

*Mome quid infrendes? solis minùs ista placebunt*

*De grege Catholico, qualis es ipse, lupis.*

*Turgidus usque crepas medius; totusq, veneno*

*Rumpare inuidia liuidus usq, licet.*

*Nec bona de rebus malé gestis carmina possunt,*

*Nec male gesta bono carmine scripta mori.*

T. H.



## Pietas Pontificia.



*Vrgens (Musa) redi studia ad neglecta di-  
uque*

*Intermissa nimis : suspensaq; postibus ar-  
ma*

*Arripe : ni facias, postes & saxa sonabunt  
Barbaricum facinus, quo Phoebus atrocius unquam  
Nil vidit : Pario describi Marmore dignum.  
Tu (Pater omnipotens) cuius nos gratia viuos  
Seruat adhuc immensa, tibi da viuere, laudes  
Da celebrare tuas, & iustis annue ceptis.*

**M***onstrū horrendū, infame cano, crudele, superbū,  
Quod Dæmon nuper magna ex meretrice nefādo  
Concubitu, densis tenebris, Erebiq; cauernis  
Extremis genuit soli cæloq; tremendum :  
Purpureumq; statim scortum ad Lernæa remisit  
Stagna, ubi clām peperit, Romano & lacte cibauit.  
Fetus hic, antiqua longè damnosior Hydra,  
Prodigium humani generis, crescebat in horas.  
Mortifero postquam mater turgere veneno,  
Serpentino astu præcellere, & artibus orci*

*Instructum*

*Instructum omnimodis agnouit, talibus ipsum  
 Compellat verbis, monitisq̃, salubribus ornat.  
 Gens inimica mihi, magnog̃, inuisa parenti  
 (Si qua alia) est Britonum, Petri quæ plurima regno  
 Damna tulit, maiora etiam molitur & optat.  
 O quantos olim reditus, & opima profuse  
 Annua Apostolicæ sedis mittebat in arcas!  
 Quàm laute nostras fecit fumare culinas!  
 Quarum (quippe licet tibi verum gnate fateri)  
 Semper erat primus, quicquid præteximus, ardor.  
 Quanta aluit fratrum sanctorum examina! quantas,  
 Quàm augustas moles, cælumq̃, minantia templa  
 Diuipare auspicijs construxit virginis, atque  
 Celitibus reliquis, quos nos donauimus astris!  
 Nullus in vrbe locus fuerat, modo diues, amenus,  
 Nullus agro, nostri quem non tenuere coloni:  
 Natio tota meos passim resonabat honores.  
 Anglia Romanum fiscum Prouincia diues  
 Litibus assiduis auxit magis omnibus una:  
 Gallia non illi par, aut Germania lata.  
 Regia (quid multis?) vicere æraria grandes  
 Prouentus; forsan mira, at verissima narro,  
 Et tantam me posse putas de faucibus æquo  
 Ferre animo ereptam Lutheri dogmate prædam?  
 Non patiar: certum est ulcisci; transfuga postquam  
 Sacrilegus nostras acies & castra reliquit  
 Catholica, heu quantis turbis, subitisq̃, procellis,  
 Concussum est triplici regnum diademate fulgens!*

Germa-

Germanos secum & Gallos & pænè Britannos  
 Omnes, hic sancto Petri de corpore traxit.  
 Sum Regina potens, dixi, nunquamq; mouebor :  
 Tempora me viduam miseram, me nulla videbunt.  
 Sed ne te longo nimium sermone fatigem,  
 Res nostra assidue nutantes querere cogunt  
 Concilia, atque nouas Plutonis tradere technas  
 Incudi, implicitis stratagemata texere griphis.  
 In te spes sola est, patris documenta, measque  
 Tu calles omnes rationes, i pede fausto  
 Littora ad Albionis pulchra; regnumq; rebelle  
 Per fas, perq; nefas, ad nostra reducito sceptrum.

Ille iter aggreditur, maternaq; iussa facessit  
 Ocyus, & toto diuisos orbe Britannos  
 Cautus adit, Myrtam simulans, (Cacodæmonis iste  
 Mos vetus, ut lucis fallat vestitus amictu  
 Tectius) & Fawkesi periuri pectora primo  
 Vafra subit, cui plena dolis precordia, prompta  
 Ad facinus quodcunq; manus, cui lingua Sinonis.  
 Hic alibi Iouiston, Fosterus, Brunius audit,  
 Proteus in formas facile versatilis omnes  
 Pro ratione loci; Regio noua singula nomen  
 Mutat, mens eadem remanet, studiumq; nocendi.

Prensat ubi q; homines, ceco meretricis amore  
 Flagrantes nimium multos; tacitisq; susurris  
 Ægypti optantes patinas, atq; aurea magna  
 Pocula Reginae, veterem qua rexerat orbem.  
 Excitat his animos, & spes attollit in altas,

Fata-



*Fatalesq; dies, & ineluctabile tempus,  
Caluini affectis Bezæq; instare ministris;  
Assore iam tempus memorat, quo mænia Romæ  
Ædificent, hostes plectant, priscumq; nitorem  
Catholice reddant fidei: mellita Sinonis  
Verba auide excipiunt, & latas mentibus abdunt,  
Scq; suisq; operas, & vota ardentia spondent.*

*Ille ergo inflatus rectis successibus aulam  
Regalem inuadit, quam letus obambulat inter  
Anglorum procures, generosorumq; cateruis;  
Magnus ubi dextra quatiebat sceptrâ potente,  
Vnanimi applausu, solium qui ascendit auitum,  
Iacobus, cuius lenis clementia regni  
Principio cives sese diffudit ad omnes.  
Sic ratus egregius Princeps, se posse rebelles  
Papicolûm mollire animos, & flectere duras  
Cervices: aliter longè res cecidit, abusi  
Principis eximij bonitate, at tollere cristas  
Cæpere, indomito passim turgescere fastu,  
Moliriq; nouas turbas, & spargere voces  
In vulgum inuisas, & querere apertius arma.*

*Watsonus, primùm veterator callidus, ausus  
Tranquillos rerum status turbare: sequuta est,  
Nescio quo demens Lancastrîa caca furore:  
Wallia postremò. Vaftrum sed adire Sinonem  
(Quem modò magnificâ spatiantem liquimus aulâ)  
Præstat, hic astuta ut versat molimina mente,  
Perceço occurrit, (Regis fuit iste satellites,*

*Mancipium*

*Mancipium Papæ) commissa negotia pandit :  
Remq̃, virumq̃, auidè complectitur ille, fidemq̃,  
Ambo promittunt firmam, quam neuter habebat,  
Et iunctis iurant scelerata in fœdera dextris.*

*Vos (rerum domini) diras nutritis Echidnas  
In gremijs vestris, aula qui admittitis intra  
Limina papicolas : latet abditus anguis in herba.  
Proditio infamis, damnosa rebellio, cedes  
Horrendæ, & Stygiam redolentia pharmaca fraudem  
Sunt studia istorum, iam vulgatissima mundo  
Toti, & Catholicæ monumenta perennia Sæcæ.  
His scandunt cœlum meritis, sic itur ad astra.*

*Versutus porro mutato nomine, Falsus,  
Percaci famulus vulgò perhibetur, & illâ  
Ignotus specie eructat lethale venenum  
Securè, & sceleris trahit ad consortia multos.  
His ita transactis, clàm rursus trans mare currit,  
Et matrem reddit certam, gesta ordine pandens.  
Collaudat, suadetq̃, bonis successibus instet  
Gnauitèr, atque anpulo dimittit munere letum,  
Instructumq̃, nouis mandatis : impiger ille  
Accelerat reditum veteresq̃, reuisit amicos,  
Austriaciq̃, ducis aulam ; qui sitnè sacerdos,  
An bellator, agant partes ; sub iudice lis est.  
Conuenit hîc profugos Angla de gente, nouarum  
Percupidos rerum, patriæ mala damna precantes,  
Monstra hominum, pelago rapido qui turbine moto  
Piscari gaudent ; currenti calcar acutum*

Et

*Et stimulos addunt, sua quivis symbola confert;  
 Inuentisq, nouis cumulant, technisq, dolisq,  
 Et scelere occultare docent scelus. Ille reuersus  
 Antiquo famulatur hero, cui singula narrat,  
 Et maturandum facinus; se nempe paratum,  
 Omni generis locupletem armis, quæ aut Romula tellus  
 Fraudibus infamis, vel regna Acherontis haberent.*

*Hinc sese accingunt operi socijsq, vocatis  
 Consilium capiunt, sensusq, ex ordine dicunt,  
 Hic vitam Regis cultello, aut arte Brasuti  
 Tentandam, ast alius iugulandum censet amici  
 Hospitij specie, quando lassata per æstum  
 Venatu placidus mulceret corpora somnus.*

*Horresco referens totus, vox faucibus hæret,  
 Et coniuratos nullus metus occupat istos,  
 Talia qui faciunt? diuina, humana nefande  
 Mîscent, hospitij gentes sacrata per omnes  
 Barbaricas violant iura intemerata, fidemq,.  
 Talia iactantes audit Catsbeius: at ille  
 Longè, ait, à vera erratis (mihi credite) meta:  
 Parua hæc sectari nobis non conuenit: uno  
 Radicem, & ramos simul ictu excindere præstat.  
 Si Regem è medio tollamus, nobilis hæres  
 Henricus regno potietur, sanguinis acer  
 (Credere sic par est) ultor, vindexq, paterni.  
 Qui cum sit magnæ Princeps virtutis, & altæ  
 Indolis, in nostros haud tutum est crescere luctus:  
 Semina sic generosa solent exurgere in orsus*

*Prægrandes : primò sic ceruus paruus, inermis,  
 Incipit arboreos tandem diffundere ramos,  
 Cornigerasq; inter ductor præcedere turmas,  
 Ingentes flammæ scintillula parua cieuit  
 Neglecta incautè, vastas & perdidit vrbes.  
 Paruus hic octauum cogit meminisse potentem  
 Henricum, sancto lethalia vulnera Pape  
 Qui inflixit primus, funestum nomen & omen  
 Horresco Henrici : mihi stat sententia firma,  
 Funditùs hæreticam, inuisamq; enellere stirpem:  
 Id qua nunc dextrè sit ratione docebo.*

*Est antiqua domus, Percei vicina cubili,  
 Hæc Angli satrapæ, consultoresq; Britanni,  
 Concilium summis regni de rebus habendum  
 Decernunt ; primoq; diè pro more receptum est  
 Regem, Reginam, paruo cum Principe adesse  
 Magna cum pompa stipatorumq; caterna,  
 Palmatisq; togis, gemmis, auroq; coruscis.  
 Ingen: sit populi concursus compita complens:  
 Turbis se adglomerant densis, spectantq; triumphum:  
 Aedibus his facile est furiosas subdere flammis,  
 Atque perorantem Regem, Procereq; silentes,  
 Turbine sulphureo sublimes tollere in auras.*

*Hec ubi dicta, tacet : magnis applausibus illi  
 Collaudant facinus : quin Falsus talia fatur.  
 Pulchrum consilium ! sic quæ domus intulit altæ  
 Pontifici plagis, alta ruet ipsa ruina.  
 Sic nos Catholicæ causæ memorabimur olim*

*Instauratores, sancto & ponemur in albo:  
Sic peccata luent, qui iniustas condere leges,  
Et maculare manus sancto assueuere cruore  
Mystarum, nostris opibus, spolijsq; superbi.*

*Hinc inuenies quosdam selectos vertere terram  
Iuratosq; iubent, alij mandata capeffunt,  
Consortes moneant, vt tempore designato,  
Armati accurrant celeres, quò funditus hostes  
Incautos subito Male-puros perdere possint,  
Et genus inuisum terris abolere relictum.*

*Fossores primò Perci ex conclauius altas  
Educunt fossas, & subterranea longè  
Antra cauant, nudantq; loci fundamina sacri.*

*Interea Perceus, cellam magis vsibus aptam,  
Cui suspensa domus, pretio conducit, in illa  
Zythum, carbones, & ligna recondere fingens.*

*Hæc ubi pro votis cesserunt, prospera sperant  
Omnia, & extremus Fallo concreditur actus.  
Hic Demon (hominis ne posthac nomine digner)  
Ambulo nocturnus, fraudis, scelerisq; magister  
Horribilis, pyrij vim magnam pulueris intus  
Clàm portat, plenissq; cadis, hic ponit & illic,  
Dolia bina addit, funestis mercibus implet,  
Regis substernit solio, segmentaq; ferri  
Imposuit, ligniq; strues superaddidit illis:  
Consimili obtexit reliqua omnia furcifer arte.*

*His ita dispositis, furiosâ mente Nouembris  
Quintum anidè expectat scelus ad crudele paratus;*

*Quale*



*Quale nec antiquæ Catilina nefarius olim  
 Romæ intentavit, Iudæis perditus Haman.  
 Singula si evoluas veterum monumenta, librisq;  
 Barbariam totam perlustres, non tibi tantum,  
 Tam horribile occurret facinus, crudele, nefandum.  
 Rex, Augusta, puer Princeps, stirps regia tota,  
 Illustres procetes, & germina nobilitatis,  
 Iustitiæ & legum patres, clerus reuerendus,  
 Flos generosorum, summus sanctusq; Senatus,  
 Anglia tota unâ periisset percita plagâ.  
 Haud secus ac cum quis leporem, quem viderat antro  
 Securum dormire suo, cum fuisse peremit  
 Rusticus intantum: Gentem, nomenq; Britannum  
 Sic Draco terribilis subito oppressisset, & Anglos  
 Christicolas omnes uno absorpsisset hiatu.  
 Vasta adeo Latio sunt guttura, & horrida monstro!*

*Quis cladem illius poterat narrasse diei?  
 Quis sue triumphantes vrbis patriæq; ruinas  
 Inter, Sacrilegos graphicè depingere? centum  
 Si mihi lingue essent, totidemq; in pectore mentes,  
 Non possem tantos fando explicuisse dolores.  
 Da mihi Mœconiden, & tantos obijce casus,  
 Arduum onus fugeret, proprijs & viribus impar.*

*Namq; mihi videtur flagrantem cernere Troiam  
 Rarsus, & horrissono misceri cuncta tumultu;  
 Londinum imperio florens, opibusq; superbum,  
 Emporium Europæ, flammis furialibus ardens;  
 Mœnia perrumpi, compleri milite vicos*

Armato, irato, dispergi corpora passim  
 Exanima, & plenos currentes sanguine riuos,  
 Per plateas, per templa, domos; & tristia ubiq;  
 Lamenta, audiri & planctus, gemitusq; sonantes:  
 Errantes pavidas per tecta insignia matres,  
 Complecti teneros gnatos, atq; oscula falsis  
 Figentes lachrymis commissa; ululatibus ades  
 Famine passim reboantes: omnia sauo  
 Vulcano superante, aulam quâ iura popello  
 Palmati dictant patres, regumq; sepulchra  
 Præscorum, & multos monumenta intacta per annos.

Adde his, quod funus patriæ, celebrisq; cadaver  
 Londini, regum sedis, sceptrique Britanni  
 (Proh scelus!) haud quisquam posset luxisse superstes,  
 Principe sublato, satrapis, summoq; Senatu,  
 Quippe animus fuerat crimen diuertere in hostes,  
 Et Puritanos præconis voce nefanda  
 Promulgare reos sceleris, proscribere ubiq;  
 Designare neci, flammis, ferruq; per omnes  
 Circuitus regni. Sunt hæ Cacodæmonis artes,  
 Non hominum indubiè, facinus celare stupendo  
 Exosum scelere, insontes pro fontibus, eheu,  
 Plectere supplicij summis, peruertere regna  
 Integra, & insontum sese satiare cruore.

Dæmones aut non sunt, aut hæ sunt Dæmonis artes  
 Atque opera, humana specie, formaq; vagantis.

Sed Pater omnipotens, moderator & arbiter orbis,  
 Maxima seruorum cui semper cura suorum,

Cuius per totum vigilans percurrit ubiq;  
 Mundum oculus, terras omnes, maria intima lustrans,  
 Abdita & abstrusis penetralia ceca tenebris,  
 Cui fraus tecta, dolus, scelera, ta rebellio, cædes  
 Infantum exosa, reatum, iustumq; probatur,  
 Prospiciens quanto Britonum rex, resq; periculo  
 Versentur placida depromit talia voce:

Hinc atque hinc densa solium cingente corona  
 Aligerum iuuenum, quævis iussa facessere cordi est.

Cernitis, ut Satanas Vcnator callidus, astu  
 Struxerit insidias Stygio, quo funditus Anglos  
 Deleat è terris, qui nostrum numen adorant;  
 Triticeosque Deos, & marmora muta reponat.  
 Hæc si succedant, lethalia vulnera magna  
 Bestia curabit, Babylon reparabitur, orbis  
 Prostibulum, fraudis, cædis, scelerumque magistra:  
 Irrita priscorum fiet sententia vatum,

Qui triste exitium Romæ, certasque ruinas  
 Prædixere olim. Diris obsistere captis  
 Certum est, & tantas Anglis auertere clades.  
 Hi quanuis digni sint, qui plectantur, abusi  
 Eximjis meritis nostris, summoque favore,  
 Sacrilegi tamen indigni, qui talia sumant  
 Supplicia, at præstat rapidus extinguere flammis,  
 Iam iamq; arsuras. Ad se vocat ocyus unum  
 Aligerum ex turba fratrum, cui talia mandat.

Protinus Albionem celeri contendito cursu,  
 Et Regem in somno moneas, discrimina quanta

*Immineant, quantoſq; ſinu nutriu-erit angues;  
 Qui ſibi, qui regno inſidias ſtruxere cruentas,  
 Atq; loco caueat ſibi circumſpectus ab illo,  
 Quò magnus cecidit Romanus Iulius olim.  
 Mox Dominũ Monteglum adeas, cui cautio miſſa eſt,  
 Vt ſe concilio magno ſubducatur, amica:  
 Quippè hominesq; Deumq; ſimul ſanxiſſe luendas  
 Ordinibus ſcelcrum pœnas, ſubitamq; procellam.  
 Se ruſ proripiat conſeſtim, euentaq; ſpectet,  
 Combuſta nullum chartâ ſuper-eſſe periculum.  
 Officij hunc moneas, patriæ, patriæq; parentis  
 Curam habeat, Regem faciat cognoscere ſcripta  
 Quæ ſibi clam fuerant, ſine nomine, at omine fauſto.  
 Impiger alaſus iuuenis feſtinat ad oras  
 Brutigenũ celebres, & iuſſa fidelitèr implet:  
 Heroiq; ſtatim Morleo inſpirat honeſtas  
 De patria curas, chara, Regiſq; ſalute:  
 Principis & miro colluſtrat acumine mentem,  
 Soluere quo obſcuris perplexa enigmata nodis  
 Extemplò & facile poſſit, velut Oedipus alter.*

Comes  
Sariſb.

*Morleus Regis de conſultoribus unum,  
 (Quem norat, veteri nil quicquam cedere Vlyſſi)  
 Iudicio pollentem acri, ingenioq; ſagaci  
 Seligit, atq; illi rem totam ex ordine pandit.  
 Hic ſocijs narrat reliquis; hi deniq; Regi  
 Solliciti oſtendunt: proſcrtur epiſtola: cuique  
 Vt ſolet in dubijs, variat ſententia, rebus.*

*Rex prudens, tacita perſoluens ſingula mente,*

*Sic*



*Sic tandem. Indicia hæc non sunt temnenda: latentes  
 Exiguum primò fumum monstrasse caminos  
 Commemini ingentes; latet abdita stramine serpens,  
 Aut ego fallor, ait; rumores quippè recorder  
 De Romanistis sparsos, quos irrequietis  
 Spiritus exagitat furys malus, atra minantes  
 Nescio que: Nunquam nocuit cautela Monarchis  
 Magna licet, quorum vite insidiantur acerbi  
 Compluresq; hostes: surgit noua machina forsan,  
 Vel Troianus equus, vel seditiosa caterua,  
 Vel Iacobita est nostros armatus in artus.*

*Monstri aliquid (mihi credite) alunt, errata cerebrum  
 Non sunt hæc læsi; sapiunt sed scripta nefandum  
 Flagitium, ut fugiat, studiosè suadet amico,  
 Mox procul, & magnam plagam subitamq; minatur:  
 Occultum rapidumq; malum signare videtur,  
 Quod subitò incautos volitet (ceu fulmen) in hostes.  
 Pulvere nil pyrio rapidum magis aut furiosum,  
 Dæmonis inuento forsan meditantur abuti  
 Pernitiem in nostram, cupio cognoscere quinam  
 Vicinas habitent ædes, quæ cella, quis arcus  
 Aula subiaceat, primo me tempore certum  
 Rebus de his facite, accurata indagine facta.*

*Regalis Custos camera mox singula lustrat  
 Sedulus, & Regi, quæ viderat, illicò narrat;  
 Contiguas ædes Perceum habitare, cauernas  
 Subiectas, multo ligno & carbone refertas.*

*Orta hinc suspitio maior, quartaq; Nouembris*



*Aulicus antiquus fidusq; remittitur ipso  
Noctis in obscura medio Kneucttus, ut acri  
Scrutetur studio quæuis penetratia, & omnes  
Excutiât latebras, vestes se querere raptas  
Regales simulans, paucis comitatus amicis.*

*Primus hic offendit Falsum, Cacodæmonia celle  
Sol'um, vestitum, atq; ocreatum ad limina stantem:  
Pabulo ut omnigeno nupèr cumulauer. t Ætnam  
Igniuomam, flammis Patriam quæ absumeret omnem  
Sulphureis, Stygia velut eructante palude.*

*Anglia iam bis sex tantum non amplius horas,  
Vulnere distabas lethali, & funere acerbo.*

*Hunc iubet actutum comprèndi, moxq; subintrans  
Cellam, lignorum magnos subuertit acervos,  
Cum subito attonito facinus sonat ore minister  
Horrendum: pyrius (proh!) hic pulvis conditur, unum  
ipse cadum inueni, plures dubio procul omni  
Contecti his latitant lignis, scelus heu scelus ingens  
Mox alios, aliosq; trahunt, bis deniq; binos  
Ter denosque cados, & dolia bina recludunt,  
Exitiali, atro, infernali puluere plena.*

*Qui Falsum penitus perlustrant, pensile collo  
Idolum abripiunt, & sacco corpus amictum  
Interiùs cernunt, dein vestibus abdita promunt  
\* Instrumenta, quibus Vulcanum immitteret Actna,  
Iam iamquæ arsura flammâs submitteret Actna.  
Quæis Britonum imperium florens per secula multa,  
Et gentem Anglorum claram deleisset in uno*

*Temporis*

*Temporis articulo, & iactu pernicis ocelli.*

*Hic crimen per se clarum confessus, & illud  
Angere se solum, quòd res infecta fuisset.*

*Exclamant omnes cælum, terramq̃, nefandum  
Prodigium, facinusq̃, nouum; cui tale nec unquam  
Intima Barbaries vidit, nec Turcica tellus:  
Gallica cui tristis cedit laniena, piorum  
Cladibus infamis, præsents dedecus aui.*

*Exemplò magnam volitauit fama per urbem,  
Perq̃, aulam, longè & latè velociter omnes  
Ample peruadit vicos regionis: ubiq̃,  
Ingens letitia, & sublata ad sidera palma.*

*O quàm te memorem (celsi moderator Olympi!)  
Qui premis imperio terras, qui fulmina torques,  
Fæderis usq̃, memor, iustas & tradus ad iras.  
Quas tibi depromam laudes? quæ vota rependam?  
Tu nos seruâsti ferro flammisq̃, dicatos,  
Deuotosq̃, neci & miserandis cladibus; unus  
Inuigilas custos sanctus fidusq̃, Sionis:  
Vt velut è sæui raperes nos dentibus ursti,  
Ipsis tu reuocas rediuiuos faucibus orci,  
Tu nos seruâsti solus, tua dextera textit  
Immeritos, summo tu nos sectaris amore,  
Obdura cum nos in te ceruice rebelles,  
Quoti diè innumeris vicijs laxamus habenas,  
Cum cultum, nomenq̃, tuum contemnimus, ipsos  
Excipimus sannis vates, & viuere rectè*

*Qui*

*Ducimus in probris : peccator dicitur ille  
 Qui nihil offendit: velut is malè sanus habetur  
 Insanos inter, qui non insanit, ut illi.  
 Infinita tua est bonitas, clementia, tales  
 Tempore qui tali (pater optime maxime) curas,  
 Qui te, quiq; tuos nil curant, qui sua tantum  
 Commoda, & instabiles cupide sectantur honores.  
 Molliat hæc andem bonitas adamantina corda,  
 Et nos in lacrymas totos dissoluat, inertes  
 Excitet, antiquum excutiat validumq; veternum.  
 Illustres oculos aecos, commissæ videre  
 Crimina, concedas (pater optime) visa dolere  
 Assiduis lacrymis, & acerbò plangere sletu.  
 Ut sacro-sancti verbi (quo nil habet orbis  
 Thesauro maius) viamur luce corusca  
 Digni, nec gentes sub Christi nomine agamus.*

Annum  
 præced.  
 sæuiss. pe-  
 stis Lon-  
 dinum &  
 totam fe-  
 re Angli-  
 am depo-  
 pulata  
 insignem  
 reddidit.

*Millia nostrorum fratrum modò lethifer annus  
 Absumpsit; cum dira lues sæuiret ubiq;.*

*Insidias Stygias nunc agrè euasimus: ense  
 iam iamq; hærentem iugulo tua dextra retorfit.*

*Hæc te peccatis altè clareq; loquuntur  
 Iratum nostris, minitari, ostendere virgam,  
 Et quassare manu miti, deponere rursus;  
 Ut mater gnatum castigatura tenellum,*

*Sepè leuat tremulas palmas, reuocatq; vicissim.*

*Quod sine verbis, monitisq; minisq; paternis  
 Proficimus (quid enim nisi verbera sæua supersunt?)*

*Forſan*

Forsan in ardentem patientia laesa furorem  
 Erumpet, stipulaq; instar consumet iniquus,  
 Quin moniti toties discamus sancta vereri  
 Numina, Euangelij meliores reddere fructus:  
 Nec Babylona, pijs hostem, sedem Antichristi,  
 Sentinam scelerum, insano sectemur amore:  
 Sed potius veterum per nos oracula vatū  
 Complementa habeant, da magnum exurere scortum,  
 Cedeq; Sanctorum fundatas vertere turres  
 Romuleas, palmam hanc nostro concedito Regi.  
 Cuius vita tibi cum sit pretiosa, vicissim  
 Chara illi tua sit, pretiosaq; Gloria semper.  
 Lucem Euangelij magis & magis excitet, hostes  
 Cognoscat caueatq; suos, plectatq; nocentes,  
 Subiectis parcat fides, subigatq; superbos,  
 Iustitiam ut riuos faciat decurrere aquarum,  
 Per tractus omnes regni, per compita & urbes.  
 Sic regat ingentes populos, ut viuus ametur,  
 Fragrantem & post se famam, nomenq; relinquat.  
 Insignes regni proceres, summusq; Senatus  
 Perpetuo nomen sanctum amplexentur honore  
 Tantis pro meritis, parta patrieq; salute;  
 Egregias leges promulgent ædibus illis,  
 Seruatis pro aris, & regni prosperitate,  
 Quæ (ut oues) fuerant cedi flammisq; notati:  
 Atque Cananitas istos, meretricis alumnos  
 Purpureæ, è medio tollant, qui sentibus ipsas

Acribus, & multis stimulis pupugère per annos.  
 Qui patriæ ingulum plagam secuisse per unam,  
 Infandum aggressi facinus : sic vota Neronis  
 Acquassent facto : qui spirant nil nisi cades  
 Infantum, Regumq; neces, qui furta, rapinas,  
 Turpia adulteria, incestus, & crimina quauis  
 Pro nihilo reputant ; quorum nec mentio debet  
 Christicolas inter fieri, nec nomina nosci.  
 Quiq; stipem è scortis fœdam, redditusq; quotannis  
 (Nec pudet) accipiunt; cælos, terrasq; remissent.  
 Hos diros nostris colubros latitare medullis,  
 (Que Patriæ erodunt ventrem) nos monstra sinemus  
 Talia? naturæ leges qui cordibus ipsis  
 Calitus insculptas maculant, nervosq; refringunt  
 Humane vitæ, faciunt, que Turca prophanus,  
 Barbarus aut Indus nolle, vel perfidus Afer.

Si facimus, digni in foueam cassesq; ruemus  
 Edocti toties frustra, vel testibus ipsis.  
 Tu iustus merito iudex perhibeberis olim.  
 Præstigias potius magnæ meretricis, & ipsam,  
 Intento (ut par est) studio vitemus in æuum,  
 Cumq; illâ posthâc commercia nulla habeamus.

Tu (pater omnipotens) qui nostra es portio, noster  
 Es clypeus (prius ut) sartos tectosq; sub alis  
 Protege nos semper, Babylonis & irrita spargas  
 Consilia, ut cælos contra pugnare nefando  
 Desistat scelere, & sanctorum sanguine vefci.

Nosq;




*Nosq̃, tuum numen, tua facta ingentia festis  
Carminibus, gratiq̃, animis celebrabimus vsq̃:  
Semper honos, nomenq̃, tuum, laudesq̃, sonabunt  
Omnibus in templis, pagis, vicis, domibusq̃,  
Albionis: cultusq̃, tuus florebit in illâ,  
Dum Sol mundi oculus caelestia signa pererrat.*

**Soli Deo Laus & Gloria  
in Secula.**

**FINIS.**







# NOBILISSIMO IUVENI, NON minùs suis virtutibus, quàm

*familie splendore insigni, Domi-  
no Ioanni Harringtono  
Salutem.*



Illustris Inuenis, patrijs virtutibus hæres,  
Cuius in aspectu, Musa, Charisq; sedent.  
Qui cùm sis magno & generoso stēmate nat<sup>9</sup>  
Exuperas morum Nobilitate Genus.

Inceptum virtutis iter fœliciter vrge,  
Euolue & doctos nocte, diēque libros.  
Qui quamuis muti sint, elinguesque magistri,  
Ostendent sapere, & cultiùs ore loqui,  
Et magno efficient (cui seruis) Principe dignum,  
Qui iam virtutes cæpit amare tuas.  
Det Deus, assiduè vt crescat fauour illius, anni  
Vt crescunt. Tibi sic Gloria, Fama, Decus,



C  
M  
A  
P  
A  
R  
A  
S  
E



## Venatio Catholica.



Ed redeo ad Falsū, cuius præcordia Demon  
 Artibus infernis sic obdurauerat, alter  
 Mutius ut primò visus sit Scauola: crimen  
 Horrendum, egregiū facinus proclamat, &  
 Catholica Zelo fidei pulsum esse, doloris (ipsum  
 Nullas omnino causas, luctūque subesse,  
 Angi se tantum quod magnis excidit ausis.  
 Præstigias quis non validas & toxica magni  
 Miretur Scorti, Circeæ plena venexo  
 Pocula, quo in porcos homines seu demonas ipsos  
 Mutat, & igniculos natura extinguit, & aptat  
 De ferro frontes, duro de marmore corda?  
 Si Rex illustris quicquam deliquit in istos,  
 Quid princeps fecit? quid fecit Carolus, alter  
 Magnæ stirpis honos? quid nobilis ELISABETHA?  
 Quid reliqui præceres? & quid miserabile vulgus?  
 Quid propriū tandem peccârunt (dicite) amici?  
 Quos turba miseros nullo discrimine mistos,  
 Vnâ cum hæreticis crudelis flamma vorasset.  
 Verum pergamus porro, Falsumq; sinamus  
 Londinâ inclusum tunc requiescere turri,



Dum paucis fraudem insignem, facinusq; nefandam  
 Pereurram verbis, cuius verissima pars est,  
 Pars fama, & firma sese ratione tuetur,  
 Et reliquis factis. Quidam generosus alebat  
 Vir pius (haud nostris quo notior hostibus alter)  
 Bucephalum egregium, pretio hunc sibi cōparat unus  
 E coniuratis, & Falso destinat; Aetna  
 Incensa, ut fugiens sese subducere turbā  
 Possit, & intrepide patriam spectare ruentem,  
 Horribiliq; feros spectāclo pascere ocellos.  
 Quippe huic pro meritis tantis, pro talibus ausis  
 Mercedem statuunt Damon, scelerisq; magistri  
 Reddere condignam. Sic mos est scilicet istis.  
 Carnifices quosdam scelera ad quaecunq; paratos  
 Hinc atq; hinc sylvas inter disponere curant,  
 Qui Fallum subito aggressi praedentur, & ipsum  
 Et vita & nummis spolient, Falsiq; cadaver  
 Prostrati gelidum medio sub sole relinquunt.  
 Hoc astu se posse rati conuertere in hostes  
 Flagitij famam, causamq; capeffere, vulgo  
 Qua Puritanos inuisos reddere possent,  
 Ut tanta authores, tam immanis prodicionis.  
 Cognito equo, & facta (pro more) indagine cedis  
 Aulicus hic sceleris tanquam fabricator atrocis  
 Proclamandus erat, Falso (ne vera referre  
 Et socios sceleris funesti prodere possit)  
 Sublato: Hinc clamorq; virum, clangorq; tubarum  
 Ingens tollendus, qui tristia concitet arma:

Anglo-

Anglo-catholici, trepidi quid statis? ad arma  
 Confugite, ac tantum facinus ne mittite in ultum,  
 Sed ferro peccata luant, & vindice flamma.  
 O deploratos mores! ô tempora! primum  
 Quid querar! horresco totus, vox gutture in ipso  
 Heret, & ad monstra hæc hominum percussa recedit  
 Mens mea, & in claustro arcano se pectoris abdit,  
 Multiplicem subito tanquam aspectauerit Hydram,  
 Plutoniusue canem, Harpyas, vel Gorgonas ipsas:  
 Si mihi ter centum Deus ora sonantia linguis,  
 Stentoris & vocem daret, & de robore pectus,  
 Non tamen infandas possem depingere fraudes,  
 Et Stygias sæclo has technas aperire futuro  
 Pro meritis: superant humani hæc crimina vires  
 Ingenij. Effæta hæc mundi atq; extrema senectæ est,  
 Qua virtus languet, morti ut vicina, Fidesq;  
 Et pietas homines terramq; exosa reliquit,  
 Improbilas crescit, cælisq; insana minatur:  
 Omnia in Oceanum veluti se flumina condunt:  
 Sic vitia ætatum priscarum in tempora nostra  
 Confluxère, Orbisq; nouum inuexère priori  
 Dilunium maius, mentes non corpora mergens.  
 Augie hoc stabulum nemo mundauerit unquà  
 Hercule defuncto; verisq; coloribus huius  
 Degeneris generis mores depinxerit, orco  
 Ni poterit docti manes reuocare Maronis.  
 Sed iam patrato fingamus crimine Falsum  
 Pernicem conscendere equum, rebusq; secundis

Elatum, leto ad socios excurrere vultu,  
 Auri spondentem sibi montes, premia, honores :  
 Ecce parant huius latrones sistere cursum,  
 Talibus affati : Nos, tu quò tendis anhelus,  
 Nouimus, ast aliò te certum est mittere, ad aulam  
 Plutonis, cui gratus eris, quippè illius ista  
 Consilio sunt cæpta priùs, benè conuenit ergò  
 Ut sit de euentu quam primum certior, alter  
 Sed Stygias nunquam descendet gratior oras.  
 Cerberus ipse tibi portas referabit Auerni  
 Protinus appulsu primo, posito q̃, latratu  
 Horribili, recta te ad nigra palatia ducet,  
 Quèis Dis Tartareus damnatis imperat umbris.  
 Qui solio assurgens, tibi latis obuius vlnis  
 Occurret, gaudens de aduentu, tèque locabit  
 A dextris, summosq̃, tibi decernet honores :  
 Hunc nostro Stygijs regem qui præsidet undis  
 Nomine sollicitus, velit ut transmittere ad Anglos  
 Quas habet infernas furias, sæuasq̃, chymeras  
 Auxilium in nostrum, nam cæde & sanguine cuncta  
 Miscere, est animus nobis, qui proditionem  
 Diligimus summe, falsos sed amare Sinones  
 Nemo solet : factis tu premia digna referto.  
 Hæc ubi dicta, ensẽ rutilantem condere in artus,  
 Et miseram tenues animam dimittere in auras.  
 O Nemesis scelerum vindex iustissima, lances  
 Aquiles gestans manibus, quèis crimina pensas,  
 Nemo diù meritas sceleratior effugit iras :

Serius

Serius aut citius sequitur vindicta nocentes.  
 Discite iustitiam moniti, neq. temnite cœlos  
 (Excordes Athei) qui cœlo, ut carcere, Numen  
 Clauditis immensum: Non illi cœo fulmine perdit  
 Peccantes: velut unda undum, non ultio semper  
 Peccatum sequitur: sulti, an mortalia cura  
 Non sunt ergo Deo? vindex iustissimus ipsos  
 Authores scelerum inter se committit, & unum  
 Circumfector facit alterius: vos facta probare  
 Hec mirum est, diras & non horrescere pœnas.  
 Principio hoc facto, reliquos si mente licebit  
 Cernere progressus, ô quantum sanguinis atq.  
 Horrende cedis, quas turbas, quosq. tumultus,  
 Quas tristes rerum facies, quæ tempora dira  
 Anglia vidisset? subita quasi Lerna malorum  
 Facta, & vicinis spectanda tragœdia terris.  
 Has Galli partes agerent, illasq. superbi  
 Hispani, atq. alias seuius tractaret Hybernus,  
 Tuto alias, spoliū cunctis & Scena fuisset  
 Albion infelix dulcissima patria: Campos  
 Fingite fulgentes peregrino milite, ad arma  
 Currentes ciues, quasi portas Hannibal alter  
 Intrasset, strepitusq. virum sonitumq. tubarum  
 Miscentem cœlo terras, dein furta, rapinas,  
 Fœmineos raptus, auulsos ubere paruos  
 Infantes longis pendere hastilibus altum,  
 Dilectorum ante ora patrum; ventremq. sepulchrum  
 Maternum fieri multis, lucemq. negari

Mare inter  
Caletum &  
Dorobor-  
niam:

*Lucis in ingressu, primòq; in limine vite.  
Quorsum ego vastatos agros & diruta narrem  
Oppida, splendentem crebris latè æthera flammis;  
Percussum Thamesin, vicinaq; littora ponti,  
Et freta, quæ rupes hinc atq; hinc terminat alba?  
Quid reliquas memorem clades, quas bella, famesq;  
Et pestis miseranda vehunt mortalibus ægris  
Grassantes simul & populantes omnia? frondes  
Autumni citius, vel celsi sidera Olympi,  
Aut pelagi immensas quivis numerabit arenas,  
Quàm tot tam varias versu describere possit  
Ærumnas: luctus parvi mediq; loquuntur;  
Ingentesq; stupent: Inopes nos copia reddit.  
O nos felices! quæis mentibus ista tueri,  
Non oculis haurire datum est, patriaq; sepultæ  
Indoluisse: Deus certè hæc miracula fecit.  
Ipse Deus, cuius bonitas immensa, fidesq;  
Non humana manus, nostra aut prudentia, tanto  
Naufragio eripuit, statuitq; in littore saluos.  
Sed iuvat historiam reliquam pertexere, cunctis  
Iustitia ut porro (æclis Diuina pateat.*

*Consortes sceleris sua cùm conamina virgâ  
Diuinâ patrefacta vident (velut vrsus opimâ  
Faucibus excussâ prædâ) discurrere primò  
Attoniti huc illuc ceperunt, querere raptim  
Et conscendere equos celeres, quæis ocyus aurâ  
Dun-churcha volitent quò maxima turba suorum  
Conuenere: illis venatum indixerat aruis*



Digbeius celebrem, qualem Nimrodus Auorum  
 Tempore : viuaces teruos, leporesq, fugaces  
 Et timidus damas, reliquum genus omne ferarum  
 Et verbo & specie, canibusq, plagisq, petebant.  
 Planities magna est, hinc atq, hinc consita dumis,  
 Arboribus raris, non est locus aptior alter,  
 Seu cursu committere equos, seu cernere cordi est  
 Veloces catulos vestigia ceca prementes  
 Cornigeri cerui, aut acies deducere in hostes  
 Ordine, & insignes belli explicuisse cohortes.  
 Digbeius primo magno comitante clientum  
 Aduenit huc numero, Tressamus deinde sequutus,  
 Mox alij, atq, alij, villa mirante colono  
 Conuentus causam tanti : mox lecta iuuentus  
 Illustresq, viri, vicinaq, rura vocantur  
 Ad ludum illustrem. Cingunt indagine sylvas,  
 Pars arbusa secant ferro, pars retia tendunt  
 Et laqueos : alij resonantia cornua buccis  
 Distentis instant, alij collaria demunt  
 Coniunctis catulis, alacresq, in praelia mittunt  
 Assueta, intendunt operi dicto ocyus omnes :  
 Vnâ Hylasq, Drapesq, ruunt, leuipesq, Melampus,  
 Pamphagus, Ichnobates, Lelaps cum Tigride, Lachne,  
 Et cursu Pterelas celeri, candore niuali  
 Insignis Leucon, & prestans viribus Alce,  
 Theridamasq, ferox, & latratu acer Hylactor.  
 Mox fera, que abstrusis sylue se condidit antris  
 E densis subito dumis prorumpit, aperto

Ore cines, magnosq; viri clamore sequuntur.  
 Fortè inter medios cursus, strepitusq; sonoros  
 Rusticus (è turba foueam dum transibit unus  
 Venantium) exaudìt clangentia vestibus arma  
 Contecta externis, ventosq; agitante leuatis  
 Huc, illuc sagulis, splendentes aspicit artus:  
 Miratur, tacitusq; virum, cui proximus, istis  
 Compellat verbis. Tibi quid (vicine) videtur,  
 Nescio, at hic nostros celebris conuentus ad agros  
 Insolitusq; mihi valde suspectus habetur.  
 Atq; utinam ad lepores isti, vulpesq; dolosas  
 Atq; feras spectent tantum, maiora sed istis  
 Agnino vulpes ipsi sub vellere querunt:  
 Non bellum hoc brutis (mihi crede) indicitur: altà  
 Mentè malum maius tegitur, nostrumq; cruorem  
 Non pecudum sitiunt: serua (Deus optime) Regem,  
 Regalem sobolem, Procuresq; negotia regni  
 Tractantes, laqueis subitò ne corripiantur  
 Venantium istorum, prasagit mens mihi grandem  
 Nescio quem latitare dolum, falsumq; libenter  
 Mc vatem cupio: nam quorsum cuncta supremis  
 Arma gerunt tunicis, omnis haud venantibus aptum:  
 Adde his quòd veteris sint omnes legis alumni,  
 Pontificis serui, diuam qui nuper ELIZAM  
 (Cuius erit Britones inter celeberrima semper  
 Gloria) bullato percussit fulmine, ciues  
 Soluit ab imperio: dammandis artibus ipsam  
 Et vità & regni sceptro spoliare volebat.

Satis ap-  
 posite si  
 Rusticum  
 hæc loqui  
 meminervis.

Hoc ille in multos, verum infelicitèr, annos  
 Tentauit : saluam hanc fecit custodia cali.  
 ipsa Deum coluit sanctè, seruauit & ipsam  
 Omnipotens, proprijs sacrum caput abdedit alis,  
 Inuigilansq; iugis conatum elusit Auerni.  
 Perfida semper erat gens hæc, fraudisq; doliq;  
 Architecta sagax, nostraq; inimica quieti.  
 Non verbis opus est, armis magis, ipse parabo,  
 Quæ potero, & turbam suspectam linquere certum est.  
 Dixerat : inq; humerum baculum coniecit, abiuit.  
 Fortè etiam venandum inter compellat amicus  
 Winterum, sceleris socium : Dic (Winter) amabò  
 Conuentus causas tanti : quis ventus in oras  
 Compulit hanc turmam (mihi quæso edissere) nostras  
 Catholicam ? tacitè Winterus talia in aurem  
 Rettulit : ut verum fatear tibi, Relligionem  
 Venamur : priscis cupimus requiescere campis,  
 Palantemq; gregem ad Romanos ducere colles,  
 Hereticosq; lupos nostris depellere ab aruis.  
 Quin maiora istis paucis retegenda diebus  
 Molimur, tu dicta imò fac corde recondas,  
 Si sapis, & parti te aëtutùm adiungito nostra.  
 Nox tandem clausuræ diem, finire labores  
 Imperat, inde canunt iussos inflata recessus  
 Cornua raucifono & præfracti murmure : cursum  
 Sistunt, & retrò properant, hominesq; canesq;  
 Continuo hospitium repetunt, ubi sedula toto  
 Haud ignaua die, tantis curauerat hospes

Oppor-

Oportuna viris : fumabant culmina magna  
 Cuncta domus, tersa splendent triclinia sorde,  
 Propositoq; argento abacus fulgebat & auro,  
 Mensaq; stat niueo lino contexta decenter,  
 Digbeyusq; togam positus syluestribus armis,  
 Postulat, hæc bysso constabat tota nitente,  
 Aurea talarem decorabat fibula vestem:  
 Ambulat ut Satrapes, & sese iactat in illâ,  
 Consortes inter culpæ, turbamq; rebellem;  
 Dat mandata, legit tabulas, responsaq; reddit.  
 Nil humile aut paruum spirat, regalia tantum  
 Tractat ouans animo, sibi iam disponere honores  
 Imperij summos, socios cumulare videtur  
 Diuitijs : sceleris fuerat fiducia tanta.  
 Appositis actutum epulis discumbitur : omnes  
 Implentur vino generoso, & carne ferinâ,  
 Ansere, porcellis, pullisq; capone, columbis,  
 Lautitijs reliquis, quas proxima rura ministrant.  
 Indulgent genio leti, & quamplurima siccant  
 Pocula, dum socijs (auidis quos mentibus omni  
 Expectant horâ felicia ab urbe ferentes  
 Nuntia) vinosam satagunt optare salutem.  
 Pan calamos inflare leues, & fundere versus  
 Rurales gnarus, nec non saltator ineptus,  
 Ridiculum caput, & nugis plenissimus adstat,  
 Insulsisq; iocis aures, animosq; remulset;  
 Dentato interdum perstringit scommate Puros,  
 Quos vocitant, risumq; ciet, crebrosq; cachinnos.

*Perceus intercà & Catsbeius ad ostia præstò  
 Narrantur: commoti omnes, dapibusq; relictis  
 Obuiam eunt, Dighby charos complexus amicos  
 De rerum euentu rogitat, qui pauca susurrant  
 Demisso ac tristi vultu: mox cernere posses  
 Mutatos homines, veluti torpedine tactos;  
 Stant muti, attoniti, subitus tremor occupat ossa,  
 Ora tenet pallor, terramq; tuentur inertes:  
 Sic prauorum hominum leta in contraria vergunt  
 Momento, in luctus abeunt, lamentaq; risus.  
 Mox Perceus ad se rediens, solatur amicos,  
 Et maledictos socios dictis, & talia fatur.  
 Macti animo (socij) neq; spes dimittite, primos  
 Diuorum nullus quod fortunauerit orsus:  
 Si sic Pharsalicis Cæsar fecisset in aruis,  
 Pompeius victor, cæsus Cæsarq; fuisset,  
 Cum vitâ imperium simul amisisset & orbis.  
 Difficiles primi ingressus, pleniq; pericli  
 Esse solent, vita est nobis velut alea lusus.  
 Principio damnis affectus, sine triumphans  
 Nummorum magnos ad se conuertit acervos:  
 Rebus in aduersis magis emicat inclyta Virtus.  
 Nunc animis opus est: acerrima pharmaca magnis  
 Conueniunt morbis, fortes fortuna iuuabit,  
 Degeneres animos timor arguit: ex sumus omnes  
 Catholici, bellum est sacratum, presbyter orat  
 Pro nobis summus, & diris deuouet hostes.  
 His confirmati verbis, se accingere ad arma*

*Accele-*



*Accelerant, varias sparsorum ore perurbes,  
Oppida, agros, misera sorti cediq; subesse  
Catholicos, ingens illis subitumq; periculum  
Impendere, sibi caueant, vim viq; repellant,  
Si libertatem cupiant, si pignora chara,  
Si uxores saluas, fortunas, deniq; vitam  
Immuncm insidijs, si antiquam Religionem  
Romuleam, & Petri si pristina iura cathedra  
Restitui, ad se festinent, socia agmina iungant.*

*Mox Granta ad castrum Varuici, nocte silente  
Mittitur, ind: ut equos generosos (quos ibi pacis  
Tempore, bellorum memores, nutrire solebant  
Vicini proceres) raptos ad castra latronum  
Adducat, Dominosq; armet sceleratus in ipsos.*

*Nobilis interea Harington, cui filia natu  
Maxima commissa est Regis Dia Elisabetha,  
Versari subito in magno discrimine cernens  
Se, gemmamq; suam, quam vitâ tectius ipsâ  
Seruârat, fidos ad sese accersit amicos  
Confestim, & duplici portas custode tuetur.*

*Haud procul vrbs antiqua sita est Conuentria (cives  
Morigeri hanc, legesq; pie, & pulcherrimus ordo  
Fecere illustrem) veteri circumdata muro:  
Huc satrapes sese confert cum Virgine primo  
Tempore, priuatis male fidens adibus, usus  
Consilio egregio: tanto letantur honore  
Cives effusi, unanimes, splendentibus armis,  
Magnificam excipiunt Dominam, pars corpora cingūt  
Lectio-*

Lectorum iuuenum, sequitur pars altera longo  
 Agmine, præcedunt alij, turbamq; repellunt.  
 Urbanus prætor reliquo comitante senatu,  
 Purpureis omnes induti vestibus, aureis  
 Torquibus ornati, blando sermone salutant  
 Heroïnam mæstam, & tristes depellere curas  
 De tenero suadent animo; se namq; paratos  
 Conciesq; suos, non hosti opponere tantum  
 Mœnia, sed vires, fortunas, corpora, vitas;  
 Arma, virosq; sibi fortes, nummosq; paratos  
 Bellorum nervos, animos super omnia fidos.  
 Protinus intra urbis ducunt pomeria ad ades  
 Magnificè instructas, & regali indole dignas.  
 Noctes atq; dies armatus ad ostia miles  
 Excubat, intrantes explorat sedulus urbem:  
 Altera lecta cohors portas & mœnia firmat.

Intercà attonita hûc illûc per rura vagatur,  
 Auxilium sed frustra implorans, turma latronum:  
 Nemo etenim è populo tam nequam, nemo suorum  
 Catholicè est adeò inuentus sceleratus, ut arma  
 Sumeret, ad castra & se adiungeret impia, tantus  
 Horror erat sceleris, pacis reverentia tanta.

Ergo peragratis Varuici finibus, omnis  
 Consilij, auxilijq; inopes (spectante popello  
 Infandisq; ingi voto execrante tragædos)  
 Pomiferas intrant sylvas, & amena vireta,  
 Quæ sorti cessere tue (Vigornia.) Tandem  
 His mensis, Holbeach, ædes ubi Littleton amplas  
 Occupas,

Occupat, appellunt; hic castra nefaria figunt  
 Sacrilegi errone, quos desperatio summa  
 (Haud secus ac catulis aper insensire peremptis  
 Assolet) in rabiem vertit; pars claudere portas  
 Aggere congesto, & validos opponere vectes,  
 Pars tormentis implent funesto pulvere, quidam  
 Splendentes acuunt enses, atq; arma corusca  
 Ostentant tersa primum rubigine, vanus  
 Vesanusq; labor praedones occupat omnes.  
 Iamq; aderat praeses Regalis Vultus, & ades  
 Milite circumdans, missis pracone rebelles  
 Admonet, ut caeptis cedant, armisq; relictis  
 Ad sese tandem redeant, veniamq; petentes  
 Agnoscant facinus, reges super omnia mites  
 Pauci armis, multi precibus vicere; leones  
 Parcunt victores submissis hostibus ultro:  
 Ipse orator ero vobis, Regemq; rogabo,  
 Seducta & stultae ut mittat delicta iuventa.

Praesidis haec prece praefatur nomine: at illi  
 Insani rabie furijs agitantibus intus  
 Duriter excipiunt hominem, Dominoq; referre  
 Hec responsa iubent: ipsos si cogere vellet  
 Ut sese dedant victi, maiora requirat  
 Auxilia, & vanis cesset contendere verbis:  
 Cordatos non verba viros sed verbera frangunt.

Praesens ubi parui fieri se vidit, & omne  
 Consilium excludi sanum, se accingit ad arma.  
 Hec dum tractantur, mirandus territat intus

Prædo

*Prædones casus, Diuina nuntius ira  
 Terribilis, certam ostendens instare ruinam.  
 Fortè per accensum Vulcanum sacculus atro  
 Puluere completus iacuit madefactus ab imbre,  
 Haud procul inde patet nudato puluere peluis;  
 Hunc parua è medijs surgens scintillula flammis  
 Corripit (horrendus subito fragor intonat adis  
 Tegmine perrupto) & tenues accensa per auras  
 Catsbeio faciem, Grant aq̃, exussit, & atro  
 Seu torres sceleris signauit stigmate; Rookwood  
 Haud immunis erat: perculsis omnibus, ingens  
 Peruasit terror fontes, intraq̃, recurrit  
 Sanguis: pallentes facies, & membra relinquens,  
 Ac recti horrentes stant summo vertice crines:  
 Mox animo occurrit facinus, iustissimus ultor  
 Et vindex scelerum Christus: patriamq̃, ruentem,  
 Vndiq̃, surgentes flammæ, cælumq̃, petentes,  
 Accensas proprijs manibus, terramq̃, madentem  
 Sanguine fraterno reputant se cernere: flexis  
 In terram genibus facinus crimenq̃, fatentur,  
 Et iustam Nemesis, & sanctas numinis iras:  
 Exposcunt veniam lacrymis, & pectore tunsō.  
 Hæc legite (excordes Athei) qui Numina cælo  
 Detrahitis, qui nulla Deo mortalia cura  
 Creditis esse, nigri ridentes Tartara Ditis:  
 Si pudor ullus adhuc superest, si ferrea non sit  
 Frons vobis, duro si non circumdata callo  
 Corda, hominis si fortè aliquid retinere, nec ipsas*

Admirā-  
 dum diui-  
 næ iusti-  
 tiæ exem-  
 plum.

*Qua-*

*Quadrupedes bruto certatis vincere sensu,  
 Hec legite & cælos reuereri discite, numen  
 Imperium retinere hominum cognoscite, cuius  
 Vos virtute estis, quo viuitis (impia turba,)   
 Quo sine, nec verbum fari, linguamue mouere  
 Audacem, verbisue ipsum factisue negare  
 Fas vobis : virtute eius consistimus omnes.  
 Est Deus, estq; Deo sanctorum cura, prophanos  
 Et videt, & ridet, tandemq; ulciscitur, ipsos  
 Precipites agit in foveam, quam infontibus ante  
 Aptârunt, proprijs laqueis atq; artibus ipsos  
 Implicat artifices scelerum : qui pulueris atrii  
 Sulphureis flammis Capitolia vertere, & omnem  
 Angligenum florem tentârunt carpere in herba ;  
 Tartareis ipsi fumis atq; ignibus vsti  
 Agnoscunt vigilem Nemesein : sic nobilis olim  
 Cerati inuentor tauri, conclusus eodem,  
 Ipse suas primus meritoq; exercuit artes.*

*Verum ficta diu non durant, ad sua prorsus  
 Ingenia, & formas redeunt ; sic fulgura quondam  
 Romano mentem turbârunt dira Tyranno,  
 Vt caput abstrusis inuisum absconderet antris.  
 Mox ubi desieuit tempestas, altera maior  
 Exoritur latebris, & totum concutit orbem :  
 Sic mox excessit pietas, probitasq; pudorq;  
 Virtutesq; nonæ, furor & vetus occupat omnes.  
 Armati portis patefactis proripiunt se,  
 Utq; canes rabidi medios agitantur in hostes,*



Nunc hos nunc illos nullo discrimine pulsan.  
 Vnica cura subest animam diuendere charo  
 Inuisam pretio: vanis contendere verbis  
 Desierat praeses, sacro & nunc Marte Rebelles  
 Cogit ad officium: magnis pugnat utrinque  
 Viribus: hos alacres merces & gloria reddunt,  
 Et causa bonitatis hos desperatio fortes  
 Insanosq; facit. Cum Catsbeio subit audax  
 Camianensis tergis unum & commune periculum  
 Percussus, lateri Winter se agglutinat una,  
 Et cuneo facto sese omni ex parte tuentur,  
 Afficiunt hostes damnis: sic saepe feroces  
 Oppressos numero caudis coniungere caudas  
 Tauros commemorant, aciesq; fugare latrantum  
 Magnanimumque causam: verum neq; maximus olim  
 Oetæus contra multos contendere longo  
 Tempore sustinuit: pugiles pessum dedit ambos  
 Machina quem globulus vomuit vulcanæ paruis,  
 Perceæ, Catsbeium transfixos corpora: at illi  
 Ingemuere altum, & duplicato poplite primum  
 Inclinant, prono mox sternunt corpore terram:  
 Haud secus ac rapido subuersa turbine quercus,  
 Quæ celsum nuper caput inter nubila summa  
 Condebant, aliquot visa post sæcla iacentes  
 Conspiciuntur humi, & fronde altâ armenta saginant:  
 Sic Pugiles Papæ, qui sceptræ & regna vorant,  
 Spc; animosq; altum spirantes, calmina rerum  
 Scandebant auidæ, turpi miseraq; ruina

Collapsi vermes pascunt, volucresq; feraſq;  
 Aſt miſer obripitur viuus winterus, & unâ  
 Rookwood cum Granta, reliqui (miſerabile vulgus)  
 Aut capti aut ceſſi nudato corpore multos  
 Frigora mulctârunt potius quàm vulnera letho.

Captiui (ut mos eſt) manibus poſt terga reuinctis  
 Imponuntur equis, magnamq; vehuntur ad urbem:  
 Undique concurrit populus per compita denſus,  
 Monſtra hominâ ut videat, viſoſq; ut abhorreat auſos  
 Hoc tam immane neſas; cuius cum mentio ſeclis  
 Venturis fiet, res facta videbitur illis.

Nunquam facta, fidem ſuperat ſic protinus omnem.  
 Turba manus agrè cohibet, diſcerpere viuos  
 Pars cupit, aſt alij cruciatus quarere diros  
 At que nouos ſatagunt: iuſte nemo imperat ira.  
 Londinum aduecti, clauduntur carcere, & arctis  
 Seruantur vinclis: Paulo poſt queſtio habetur  
 Publica, ubi regni pro conſuetudine, ſummi  
 Magnates, legumq; patres tenuère tribunal:

Q. Coſe pro  
 curſor.

Orator Regis, ſcleris primordia ab ovo  
 Pandit, & eloquio miro depingit atrocis  
 Criminis artifices, quæ ſit ſententia legum  
 Exponit, meritas expoſcit denique pœnas.  
 Captiui, fidei Romana dogma ſequutos  
 Se, illius & Zelo raptos (quæ tollere quauis  
 Hereticos ratione iubet, vi, fraude, doliſq;  
 Illicitis licitiſq; modis) quippe omnia ſancta,  
 Affirmant, mandat natis quæ Eccleſia mater.

Iudicio

*Iudicio Proceres praefecti, ad Tartara damnant  
 Horrendum scelus, & Romanam religionem,  
 Quae tales profert fructus: sic dogma loquutum  
 Se meminisse Dei: (Gnati chari) ite, docete  
 Mundanos populos, & sacro fonte lauate:  
 Has ex aduerso voces sonat ore nefando  
 Filius exitij: Gnati, ite & perditae Gentes  
 Funditus è terra, quae nostrum forte recusent  
 Ferre iugum, vi, frange, minis, flamma, atque veneno:  
 Vipereum ergo genus, sobolem Plutonis, Averno  
 Emissas Furias (patrio de more) per ignes  
 Per ferrum statuunt, fuscq; remittere ad Orcum,  
 Vnde prius fuerant emissa, aut perditae saltem  
 Consilia, & Falso Stygium mediante venenum  
 Hausissent: praeda Daemon letatur opima,  
 Talibus & veterem uerbis compellat amicum.  
 (Falso) vides nostros magnum elusisse Tonantem  
 Conatus, patefacta Erebi secreta reclusi:  
 Nec tamen omnino vacui repetemus Avernum,  
 Maiorem (fateor) messem sperauimus: ista  
 Sufficiat, magnis & consolabimur ausis  
 Nos nosmet, fors efficiet noui machina quondam  
 Omnia, quae cupimus: non sunt exhausta Barathri  
 Scrinia cuncta, dolis sunt dolia multa referta  
 Et varijs technis, quas postera senserit Aetas.  
 Hec ait, & Falsum liquit, reliquosq; sodales  
 Supplicij meritis: (veteri pro more) Ministros  
 Sic semper sceleris postrema deseret hora.*

Discite vos ergò tandem, & resipiscite, magna  
Quos Metetricis amor Circeo fascinat astu:

Discite fallaces \* Syrenes pellere vestris  
Longè à nauigis, maledictaq; signa Magogi  
Linguite, qui sanctos cingat licet undique, nunquam  
Expugnet, castris Christus quia militat istis,  
Ordinibusq; suis depugnant astra, cohorsq;  
Cælicolum excubias peragit noctesq; diesq;.

Te, te fœlicem terris magis omnibus unam,  
Quis pater Oceanus vastis complectitur vlnis,  
Te fortunatam nimium (bona si tua nôris,  
Anglia) compello, vt memori pia facta parentis  
Æterni æternum serues sub pectore, laudes  
Pro meritis solus dignus, & vora quotannis:  
O quoties quantisq; malis te virgula sola  
Diuina eripuit, quantis te fluctibus actam  
Pœnè & submersam saluam, tutamq; locauit  
In portu, tumidis sepeliuit in æquoris undis,  
Quos vesana in te rabies armauerat hostes  
Piscibus æquoreis prædam, ciuilia bella  
Seminibus primis, ipsaq; oppressit in herbâ?  
Funestam quoties pestem de finibus egit  
Singula vastantem, nullo discrimine sexus,  
Ætatis, census, virtutis, nobilitatis,  
Visceribusq; tuis vetuit seuire famemq;  
Squallentem amouit, mellis, lactisq; fluentis  
Inductus, Canaan meritò vt dicaris, & alter  
Mundus, & in terris Paradisus: nullibi maior.

Copia

Iesuitas  
sacrificulos  
pontif.

Naſtem  
Hiſp. A. 88.



*Copia cunctarum rerum, quas postulat usus,  
 Exoptanda magis nusquam & genuina voluptas:  
 Adde his cælestem Mannam, verbumq; Iehouæ  
 Aeternum, (immensus thesauri quo nihil orbis  
 Maius habet) gazâ Indorum pretiosius omni:  
 Si reliquos spectes populos caligine plusquam  
 Cimmeria mersas, sine Christo & Numine, muta  
 Idola ut lignum cariosum, ut vile metallum  
 (Quod pedibus natura docet calcare) colentes;  
 Solos Albiones lustratos lumine solis  
 Iustitiæ (ut quondam Goscchenis terra sepulta  
 Aegypto in tenebris:) fluitantes Nectare riuos  
 Cælesti ad summos fines regionis amata;  
 Propitium tibi præ cunctis fateare necesse est  
 Esse Deum regnis, nisi talpâ cecior ipsâ,  
 Porcellisq; excors magis sis, qui ex arbore lapsas  
 Fauce vorant avidâ fruges, sed lumina sursum  
 Vnde cadunt, nunquam attollunt, nec deniq; curant.  
 Rumpere moras igitur, bonitatem agnosce benigni  
 Aeterniq; patris, largâ tibi munera dextrâ  
 Qui assidue accumulât, qui dira pericula pellit,  
 Hostibus & prædam quasi faucibus eripit, ipsas  
 In foveam trudit, quâ te submergere totam  
 Mens erat, & nomen penitus delere Britannum:  
 Qui te pace beat, qualem prægressa parentum  
 Nulla ætas vidit, qualemve nec ulla nepotum  
 Est visura; Deus nobis hæc otia fecit.  
 Ille Deus rutilum, qui palma expandit Olympum,*



Atque grauem medio suspendit in aethere terram  
 Vi verbi aeterni, qui multa & mira operatur  
 Quotidie in caelis, terris, pelagoq; profundo:  
 Ille tibi custos fuit & Seruator, & illi,  
 Quod sis, quod bene sis, quod flores, gloria soli  
 Debetur, cuius bonitas, clementia, virtus  
 Immensa, & cunctis celebranda potentia sæclis.  
 Illius ergo pio celebremus pectore laudes  
 Perpetuò, & sæclis ingentia gesta futuris  
 Narremus, factis & vitâ deniq; dignos  
 Numinis eximio nos ostendamus amore.  
 Si secus, Ille idem iustissimus arbiter orbis  
 Non feret ingratos, certo peccata luemus  
 Certius, & tantum nunquam dimittet inultum  
 Tam sædum facinus, vitij quod continet in se  
 Omne genus: qui multa ferit, messem ubere gleba  
 Expectat meritò, sentes, tribulosq; ferentem  
 Grauius excultum prius, odit arator agellum.  
 Qui proprium populum, Gnatosq; fidelis ABRAHI  
 Prosapiam sanctam (cui sacra oracula & omnis  
 Cultus erat summi commissus Numinis olim)  
 Ingratam, immemorem, grauius percussit abusam  
 Muneribus tantis; seuq; nepotibus ira  
 Exemplum posuit venturis, hic tibi demens  
 Gentili parceret, ramo & sylvestris oliua?  
 Non faciet: qui dona tibi cumulauerat antè  
 Innumera, iratus turmas, aciesq; malorum,  
 Quae tua continuo populentur viscera, mittet.

FINIS.

IN



IN IESVITAS SEDITIONVM,  
ET TVRBARVM PER VNIVERSAM  
EVROPAM FLABELLA, ET FA-  
CES EPIGRAMMA.

( \* \* )



*Arca olim dicta, nulli quòd parcere sorti,  
Sexui, & etati, ast perdere cuncta solent.  
Lucus & idcirco nomen sortitur opacus,  
Quòd sit luce carens, umbræq; tota locus.*

*Consimili ratione nouus Papisticus Ordo*

*Appropriat Iesu nomina sacra sibi :*

*Non cælum à terris, magè non occasus ab ortu,*

*Non magis Arctoo Iaua remota polo est,*

*Quàm genus amphibium (proles inuisa profani*

*Militis, ingenium cuius ubiq; sapit)*

*A Christo distat, sancto quoque dogmate Iesu,*

*Si rem spectemus, n. mine seposito.*

*De tribulis nemo ficus, de sentibus vuas,*

*Aut durâ è quercu mitia poma legit.*

*Arboris ostendit naturam fructus abundè,*

*Fert generosa bonum, fertq; maligna malum.*

Idcirco an propius Iesuita accedat ad illos,  
 Qui Christi, aut Martis, queritur, arma gerunt.  
 Militibus Christi, lacryma, patientia, vota  
 Et clypei, & gladij sustinuerunt locum.  
 His armis sauos vicerunt saepe tyrannos,  
 Flexerunt animos hostibus usq; suis.  
 Sica brevis, gladiusq; auratus, Pharmaca, fraudes,  
 Turpis blandities, perfidia, insidia  
 Hos armant: istis sancto Papæ artibus orbem  
 Submitunt, & non viribus ingenij.  
 Nulla fides, pietasq; viris qui castra sequuntur:  
 Arma inter rectum iuraq; sancta silent.  
 Quàm bene conueniunt natis hæc (Loiala) vestris,  
 Anglia testis erit, testis & orbis erit.  
 Mitto alias fraudes, in se complectitur omnes,  
 Et scelera exuperat nupera proditio.  
 Consilijs initam vestris hanc Anglia nouit,  
 Adiutam votis (Garnete sancte) tuis.  
 Peccantes qui cum possit, non pernetat, ille  
 Imperat, ut peccent, conscius ipse mali.  
 Barbaricum celare nefas, neque prodere tanti  
 Artifices sceleris, barbara nequitia est.  
 Ast verbis laudare Deum, precibusq; rogare  
 Successus faustos: (dicite Pierides)  
 Si quicquam in toto vidistis atrocius Orbe,  
 Si ulla etas hominum talia monstra tulit?  
 Horrida prætextu pietatis crimina patrant,  
 Virtutisq; toga flagitium omne tegunt.

Dein

Dein Caelos, Numenq; sacrum in consortia culpe  
 (Horresco referens, obstupensq;) vocant.  
 Nec satis est cælum precibus demerare nefandis,  
 Maius adhuc tractant impietatis opus.  
 Impietatis opus maius, si crescere quonvis,  
 Hoc potis impietas, improbitasq; moda est.  
 Sacrilegi Domini se sumpta in fœdera cœna  
 Connectunt: alia haud vincula firma putant.  
 Quis manibus sanctas sceleratis tradidit escas?  
 Quis porcis gemmas talibus exhibuit?  
 Quis nisi sanctorum patrum de gente sacerdos?  
 Nomen si cupias, ecce, Gerardus, habes.  
 Nulla hic sit patribus omnino iniuria, quicquid  
 Rabula clamoso perstrepat ore levis.  
 O cælum! O terras! O perditæ tempora! mores  
 Degeneres! hominum ferrea corda nimis!  
 Scilicet in dubio est, scelus utrūq; immanius, uno  
 Regem, Reginam, Regnaq; bina die,  
 Illustres proceres, Clerum, summumq; Senatum  
 Tollere, sulphureo & contumelare rogo,  
 An corpus Domini, sacra & conuiuia Christi,  
 Tam detestandis polluere hospitibus;  
 Fœderis æterni & sacro obsignare sigillo  
 Horribile, infernum, Tarture unig; scelus.  
 Res gestas veteres verbis auxere Poeta:  
 Nostra ætas vitij, flagitijq; ferax,  
 Protulit in lucem, scelerum portenta, stuporem  
 Quæ ingentem pariunt, verba, fidem superant.

Adde

Adde his æquiuocum inuentum, quo ludere sensus  
 Gens hominum facta ex fraude, doliſq; queat.  
 Annulus hic Gygis eſt, hoc ſe ſubducere captos  
 Ingenij mira dexteritate ſolent.  
 Orc aliud reſonant, aliud ſed corde repòſtum  
 Occultumq; tenent perfidiola cohors.  
 Flexiloqui infernas imitantur Apollinis artes,  
 Scilicet antiquus Damon Apollo fuit.  
 Tullius officijs melioribus inſtruit ipſos  
 Paganos, ſimiles damnat ubique dolos.  
 Qui ſi iterum in terris ageret, quæ fulmina in iſtos  
 Mitteret, eloquij ſumine & obrueret?  
 Has artes colubro veteri (mihi crede) Magiſtro  
 Hauſerunt, Chriſti non didicere ſchola.  
 Hinc patet, eſſe iſtos Ieſuitas Dæmonas albos,  
 Et præter nudum nomen habere nihil:  
 Quod ſanctum atque pium, quod rectum, relligioſum;  
 Aurea ſi Chriſti regula vera docet.  
 Militis ingenium profugi, ſeu Dæmonis, iſta  
 Verius, aut ſapiunt, aut ego nil ſapio.  
 Dæmon erat ſemper mendax, homicida, quid iſti?  
 Mendaces, vaſtri, ſanguineiq; viri.  
 Si mores ergò ſimiles, ſi conſona quicquàm  
 Facta probant, ſi par cum ſtudio Ingenium.  
 Militia hæc pars magna tue eſt cenſenda (Magoge)  
 Et veteratoris pignora habenda patris.  
 Ite locuſta igitur, genus & deducite ab Orco,  
 Vos fumos Barathri progenuiſſe patet.



*Si sanctum posthac nomen retinetis Iesu,  
Palliolum sceleris (disceat id orbis) erit.  
Sed Iudaitarum placeat si nomen, habete:  
In Iesu constat, iuris habere nihil.*

FINIS.



# Part II

The first part of the book is devoted to a description of the various forms of the English language as they are spoken in different parts of the world. The second part is devoted to a description of the various forms of the English language as they are written in different parts of the world.

The third part of the book is devoted to a description of the various forms of the English language as they are spoken in different parts of the world. The fourth part is devoted to a description of the various forms of the English language as they are written in different parts of the world.

The fifth part of the book is devoted to a description of the various forms of the English language as they are spoken in different parts of the world. The sixth part is devoted to a description of the various forms of the English language as they are written in different parts of the world.

C  
N  
C

A

C

Q

2



OB PRÆVORSAM  
NITROSI PULVERIS  
CONIVRATIONEM MONV-  
MENTVM GRATVLATORIVM

Magno BRITANNIARVM Regi,  
*& speci maxime Principi*  
*consecratum:*

AVCTORE SPIRITV SANC-  
TO, PROPHETA DAVIDE,  
INTERPRETE  
A. M. S.

---

*Ob sphinturnicum nitrosi pulveris ignes*  
*Cœlitus elusos gratia, lausq; Deo:*  
*Qui Regi ingenium leni dedit acre, sagaxq;*  
*Det memorē & mentem, det quoq; gratum animū:*  
*Nec Regi modo, sed Regina, & Principi, & aule,*  
*Sanctæ & caule ouium, & patribus, & populo.*

0809 2334

20357179120011M

2701-1180: 44-1400

1947-1948

1947 - 1948 - 1949 - 1950

1918-1919

1992

040100Z

0079-0 ATTN:OAS:OI

37295 TM

10

100

DE PIORVM FELICITATE ET

IMPIORVM MISERENTIA

**E**lin qui scelerū duobus comes ira recusat  
Obliquam rationis iter: Vestigia feda  
Nulla premit vulgi infractis: Non ille ca-  
sanna in sede sedens atro sale conspuit astra: schinno

At lex cordi illi & cura diuina voluptas  
Vnica: quam recusat molantemq; diemq; fatigantem  
Vnam animae: fert tamen oculis vita exigit unam

Estq; velut fecunda arbor: quae flammis fausta  
Consita propter aquas fructus leuare vbera debet:  
Tempestiua refert: gelido nea marceat in alga  
Nuda coma: at viride ramorum & frondis in umbra  
Florem in fructum perget: cui numine cuncta secundo  
Cedunt; nec quidquam aduerso molitur Olympo.

Haud ita lena sui mens raptā libidine gita  
At velut excusso grano mala pinguis ariste  
Gluma leuis volat huc illuc orta pulsibus auxae

Quippe nefas genti scelerosa insistere callenti  
Legitimum: fontiq; animo durare bonorum  
Virtutis vera studio in florentia corona.

Nam rerum aeternus gemiton, cui pignora cura,  
Du x auctoꝝq; viam inuisit curamq; bonorum:  
At scelus inuisum caelo, prauumq; ruina  
Praecipitat sua fraus, & inextricabilis error.



De Antichristi in Christi regnum sub-  
uentione coniuratione.

**H**eu quia tam tanta tota fremit orbe tumultus?  
Et gentes populiq; minacia murmura miscent.  
Nequiquam insurgunt reges vti, & fraudibus una  
Stipati docant proceres, Marsenq; lacessunt.  
In Iouem & Ioue sacrum numine Regem.  
Præcipitantq; moras, stimulosq; furentibus addunt?  
Eia aliter raptis vniuersis & finibus horum;  
Imperij ferule iugum ceratibus istud  
Excussam nostris quæ nos defendit armis.  
At Rex vultu colunt folio sublimis ab alto  
Ridet subsurgens orbis regumq; ruinas.  
Tandem his terribilis dictis, & tristibus iras  
Turbabit: Caput ipse mei diademate Regis  
Cinctum vltimæ viridi factæ liquentis oliui.  
Sacræq; mol super augusti iuga celsæ Sionis,  
Iura dare, & sanctam seruare & condere gentem.  
Fabor ego, & votuens fatorum arcana mouebo,  
Me quibus affatus genitor, qui sidera torquet.  
Te matre æterno genitori æquæua propago,  
Natum hominem, & fato denatū a tristibus vmbribus  
Immortalem hodie reuocavi in luminis auras,  
Tu patrem me posse: dabo tibi subdere gentes  
Heredi, quæ cincta mari patet vndiq; tellus:  
Cui sceptri nec finis erit, nec terminis aut.  
Tu castigabis virga, ferroq; feroces

Contundes:

*Contundes : valido fragilis ceu testa sub ictu  
Disilit in partes, & fragmina spargit in auras.*

*Nunc Reges, Regumq<sup>3</sup>, sacri legumq<sup>3</sup>, Camilli,  
Sive datis iura & populis & gentibus aqua,  
Sive ab sede alta vasto ius dicitis orbi,  
Discite iustitiam moniti, & non temnere Iouem:  
Discite quam summi Regis lex illa suprema  
Exigit à vobis legem moremq<sup>3</sup>, regendi.  
Obsequium franate metu, cultumq<sup>3</sup>, timore  
Aeterni genitoris : & exultate pauentes.*

*Figite adoratis nati prona oscula plantis,  
In vos ne ruat ira: ut flamma furentibus Euris  
Cum ruit in segetem, & crepitantibus ardet aristis,  
Sic viridi in culmo vos flammeus increpet ardor,  
Fax ubi prima sue fumârit vindicis ira.*

*Felices quicumque eius spatiantur in umbra.*

**Michtam; id est: Aureum monile Dauidis  
contra Missatici Idoli Cyclopicam  
anthropophagiam.**

**T**E fretum me orci de faucibus eripe numen.  
Ioue ais, ô noua mens : Dominū te agnosco : meā  
Nullus eges : tibi quid prosit mortalis egestas? (re  
In sanctis, qui in terra, animis cœlestibus illis  
Stat mea cura omnis : Quos improba vexat Erinnyes  
Illorum, qui idola nouis altaribus augent.  
Mēne dapes Diuūm omnigenūm libare cruentas?

F

Quorum

*Quorum equidem haud digner summis noua nomina  
 Ioua mihi victus cultusq; es lauta supellex, (labris.  
 Demensum & mensa prima, mensaq; secunda:  
 Ioua meam mihi sustentas cum fœnore sortem.*

*Ruris amœna mihi metata decempeda : quo non  
 Latius vber agri, glebaue opulencia maior.*

*Ioue gratus agam grates cœlestibus auctus  
 Muneribus, mentisq; noua, monitusq; salubris.  
 Castigatus agor stimulis præcordia motu  
 Numinis arcano, tacita nocturnus in umbra.  
 Iouam ego propono coram mihi numen amicum  
 Semper : adest dexter mihi, pes ne impingat eundo,  
 Hinc mihi cor gestit latum : hinc mea gloria lingua  
 Exultat : recubans recreat fiducia corpus:  
 Non me es deserturus enim sub tristibus umbris  
 Me tibi dilectum, putres ne soluar in artus.*

*Ipse viam pandis vita mihi, gaudia amana  
 Ad satietatem, oris iubar alnum & amabile lumen  
 E vultu, dextraq; tua sine fine profundis.*

*De Ecclesiæ ærumnis & liberatione, hostiũque  
 exitio repentino.*

**P***lurimi primo varijsq; ab ævo  
 Pressit ærumnis me inimicus atrox,  
 Dia gens dicat: me inimicus atrox  
 Pluribus aui*

*Pressit*

*Pressit arumnis varijsq; ab ortu:  
 Non & oppressit superando victum  
 Me: meas aut res potuere fluxas  
 Vertere fundo.*

*Trux mihi tergum super exarauit  
 Verberum sulcos penitus cruentos:  
 Et strigas vibicum inebrias acuto  
 Vomere duxit.*

*Funibus ruptis iuga dempta tristi  
 Depulit ceruice manus maligna  
 Iona: qui prauo metuendus orbi est  
 Arbiter aquas:*

*Quisquis infestis oculis Sionem  
 Spectat, infelix sua vota voluet  
 Irrita: & cursum releget retro spe  
 Captus inani.*

*Instar arebit, citò qua coorta  
 Culmine in tecti seges, agra, marcens  
 Antequam falx strictam aciem det atro  
 Aret ab aestu.*

*Qua manum messor sitibundus vlla  
 Nullus impleuit vice: nec lacertum;  
 Qui legit nodo religans in usum  
 Ferre maniplos.*

*Lata nec te prateriens viator  
 Fabitur: linguâ tibi nec fauebit:  
 Nec tibi dicet, faueat benigni  
 Numinis aura.*

**L** Apſi retrò animi ſcelus impietatis alumnus  
 Affatur dicto, quod ſenſibus horreo ab imis :  
 Secum haud ullum illi ſenſum, aut ſuperſeſſe timorem  
 Numinis : ad blandiri illum ſibi denique ſecum  
 Patrato ſcelere inuiſo atque immanibus auſis.  
 Oris verba ſui fraude & fuco ornat inani :  
 Deſijt aut rectum moliri, aut cernere verum.  
 Strata ſuper de nocte nefas meditatur in umbra  
 Peruigil; & pernix ſclerum ſe in tramite ſiſtit;  
 Pertenditq; malo gaudens odium acre bonorum.

Ioua polo tua par clementia, lucibus æthra  
 Aequa fides : conſtans tua montibus æmula magnis  
 Juſtitia : & tua iudicia immenſo æqua profundo.

Ioua hominum pecudumq; genus viſq; volantum  
 Et quæ marmoreo fert monſtra ſub æquore Pontus  
 Pronidus ultro alis : & generatim ſæcla propagas.

Quam rara ac pretioſa tua bona munera dextra  
 Rerum opifex ! quum gens alarum humana tuarum  
 Pollicitis illecta tuis fugit ales in umbram :

Regificaq; domus epulis ſaturatur opimis :  
 Ambroſioſq; bibit vitali è nectare ſuccos,

Quos viuo fundis de flumine deliciarum :  
 Quarum te penes & ſons eſt, & origo ſalutis.

Fac haurire tuo nos ergo è lumine lumen ;  
 Luce frui de luce tua da lucis origo.

Porrige dona tuæ fidum bonitatis ad agmen,

Quod



*Quod nomen sine fraude tuum nouitq; colitq;.*

*Ne pede me calcet fastus sine more superbus: (vexet*

*Neu pulsum me, extorrem, inopem manus improba*

*Illo, ubi proclini lapsu cecidere scelesti,*

*Impulsi, ut nequeant lapsas reparare ruinas.*

F 3

Eli.

FINIS.



# ELIZABETHÆ REGI- næ memoria succincta. F. H.

**N**omen Eliza tuum, famâ super æthera notum,  
Æternum, magis atq; magis post funera floret :  
Vt mater Patriæ, vicinis gentibus hospes,  
Hoslibus infestis terror, pietatis asylum,  
Mitrati mastix Papæ celebraris ubiq; :  
Semper erit Britones inter celeberrima Elizæ  
Gloria, dum nomen Britonum, aut gens Angla vigebit :

*Ænigma perplexum, quod Oedipus  
ipse vix solueret.*

**N**uper auis quædam coruum compellat vt atrum,  
Ad testes, oculos prouocat ipse suos.  
Hi falsum clamant crimen : formosior albo es  
Cygno ; brumali candidiorque niue;  
Nil mirum (altera ait) faciem non cernit ocellus,  
Deformes maculas non videt ipse suas.  
Causa Aquilam ad Regem tandem defertur : at ille  
Constitum adduci specula vera iubet.  
Coruus tædigiem propriam viuamq; tuetur,  
Eru' tædippos conqueriturq; oculos.

Ænigma hoc soluas, & eris mihi magnus Apollo ;  
Oedipus alter eris, tibi Phyllida solus habeto.



### Errata.

**I**n titul. dele hen. In Pras. pag. 1. lin. penul. sancta. et ult. tos & p. 3. l. ult.  
omnibus regibus. p. 7. l. 12. comitate. p. 8. l. 4. nollent. p. 9. l. 5. bonuncio.  
p. 15. l. 6. succisvis. & l. 14. destinata.

In Græc. vers. παρην. Item Θεῶν πλαστο Κυλλ. Item ἄιμα.  
Deinde pag. 3. l. 4. viduam. miseram me. p. 15. l. 15. tardus. p. 21. l. 16. capit.  
& 17. fauor. p. 26. l. 9. Ad. p. 27. l. 15. subito p. 30. l. 5. ventoq. p. 38. l. 19.  
insontibus. p. 40. l. 2. abrip. p. 41. l. 13. emissæ. p. 54. l. 9. alacres.





C. 836